

# SCHOOL SECTION

## KA KOT PULE KHASI

### KLASS VI

---

*Edited by :—*

Christian Communication Deptt.  
K. J. P. Synod.

*Approved as Text Book for Khasi  
Vernacular by the Government*

**Revised by Mr. S. D. Basaiawmoit.**

---

*Published by :—*

**Christian Communication Deptt.  
THE KHASI JAINTIA PRESBYTERIAN SYNOD  
K. J. Presbyterian Synod Church House,  
MAWKHAR, SHILLONG.**

---

2000






# KI J I N G K D E W

Lynnong		Sla
I.	U Gopinath Bordoloi (Rev. W. Manners B.A. B. D)	... 1
II	U Syiem Bruce bad ka Thapbawa (Mr. F M. Pugh M.A)	... 4
III	U Mahatma Gandhi (Rai Bahadur D. Ropmay. B.A)	... 7
IV.	U Stad Saian ba Khrawnam (Mr. F.M. Pugh, M.A)	... 18
V.	U Nongrep (Mr M.E.J. Jeengaphs)	... 23
VI.	Hynñiew tylli ki Jingphylla ka Pyrthei Hyndai. (Mr. H. O Mawrie B.A.)	... 25
VII.	U Abraham Lincoln bad ki Mraw Negro (Mr. R W. Philip, M.A)	... 31
VIII	Lucy Gray (Mr. F M. Pugh M A )	... 38
IX.	Ka Sngi (Rev. T. Rodborne B.A B D )	... 40
X.	Moses— I (Rev. John Roberts D.D.)	... 44
XI.	Moses—II (Rev. John Roberts D.D.)	... 50
XII.	Kum u Kpa kum u Khun (Mr R.W Philip, M A.)	... 57
XIII.	Ki Skei bad ki Jakoid (Rev. John Roberts, D.D.)	... 61

## (ii)

XIV.	Kaba Tep ia u Moses (Rev John Roberts D.D )	... 63
XV.	U Tirot Singh u Syiem jong ka Hima Nongkhlaw—I (Mr. Norman Singh Syiem)	... 64
XVI.	U Tirot Singh u Syiem jong ka Hima Nongkhlaw - II (Mr. Norman Singh Syiem)	... 73
XVII.	U Kpa ka Jingstad Saians (Mr. F.M. Pugh M A.)	... 80
XVIII.	U Garibaldi u Nongpyllait (Mr. A. Khonglah, B A )	83
XIX.	Khynnah Tipsngi (Mr. H. O Mawrie, B.A )	91
XX.	U Aesop (Rev. T. Rodborn B A. B.D.)	... 93
XXI.	U Khla bad ki Masi Kyr tong (Rev. John Robert D.D	... 98
XXII.	Ka Jingjaipdeh (Mr. S. K. Lyngdoh)	.. 99
XXIII.	Ki Aiñ ka jingkoit jingkhiah—I (Dr R.A Hughes, M.B F.R C S, D T M. Ch B&H)	100
	Ki Ain ka Jingkoit Jingkhiah—II (Dr R.A Hughes M.B., F.R.C S, D T.M. Ch B&H)	103
XXIV.	Ka Ktien Khasi—Ki Adverb (Rev. John Roberts D.D.)	... 107
XXV.	Ka Ktien Khasi—Ki Adverb (shuh) bad ki Adjective (Rev John Roberts D D )	... 110
XXVI.	Ki Ktien Khasi —Ki Ktien ba iajan jingmut (Synonyms) (Rev John Roberts D D )	... 113
	Ka Jingrwai la ka Ri.	... 123

LYNNONG I  
U GOPINATH BORDOLOI



U Gopinath Bordoloi u long uwei na ki khlur kiba thaba ha ka jingphyrnai kaba khraw jong u ha ine i dong jong ka ri India, kata, ha Assam. Une u la phohsniew ia ka Assam kaba thymmai, kaba nangroi ha ka liang ka jingnang jingstad, ka spah ka phew bad kiwei pat ki bynta jong ka jingim.

La kha ia u Bordoloi ha u June. 1891. U la shongskul ha Guwahati Ynda u la pyndep ia ka Matriculation Examination u la leit ban bieng shuh ia ka jingpule ha Calcutta. U la pass ia ka M.A. Examination na Calcutta University. Ha ka snem 1913 u la ioh sa ka nam B.L. (Bachelor of Law) na kajuha ka University. U Bordoloi u la don ka jingthrang ia ka kam Professor (nonghikai) ha ki College. Ha kito ki por ka

long kaba eh shibun ban ioh kum ia kine ki kam lynda u briew u la pass ia ka M.A. ha ka klass kaba nyngkong (First Class), 'bad u Bordoloi u la wan ha ka klass kaba ar. Kunita u la phai noh sha ka kam pleader (*nongiasaid aiñ*) bad u trei haduh hynriew snem ia kane ka kam

Ha ka snem 1921 u la lasoh bad ka jingkhuh kaba don ha kane ka ri hapoh ka jingialam jong u Mahatma Gandhi. U Bordoloi u la ieit bad burom shibun eh ia u Gandhi, bad u la long u synran jong u da kaba pyrshang ban bud ia ki dien jong une u kpa jong ka jaitbvnriew India. U Gandhi hi ruh u la shaniah ia u shikatdei eh bad u la aiti ha u ia ka kam ka jingpynphriang ia ka Congress ha kane ka ri. U la long u Secretary jong ka Guwahati Congress Committee bad la jied ia u ban long u dkhon na ka Assam ha ka All India Congress Committee. Namar ka jing-iadonkti jong u bad ka Congress bad ki kam ba u la leh ha kane ka liang, ka Sorkar Phareng ka la thep phatok ia u shisnem ha ka snem 1922. Dei namar ka jingkitkhia bad jingshitthem jong u ba lah ban pynlong ia ka jingialang kaba shisien shisnem jong ka Congress ha ri India, ha Guwahati ha ka snem 1926

Ha ki snem naduh 1934 haduh 1938, u la kham kitkhia ia ki kam kiba hapoh la ka jong ka State. Shipor u la trei kum u Chairman jong ka Guwahati Municipality, bad u la pynbha katba lah ia ka jinglong jong kane ka sor. Ha ka election kaba la long ha ka snem 1937, la jied ia u

ban long u Myntri Rangbah jong ka Assam, bad u la neh ha kane ka kam haduh ki sngi ka jingiap jong u, kaba la jla ha ka 5 tarik u August, 1950.

U Gopinath Bordoloi u la long uwei na ki riew ieit ri kiba shisha bad u la sei lut la ka bor na ka bynta jong ka. Dei ma u uba la mait lynti ia ka jingpynlong ia ka Guwahati University, ka High Court, ka Medical College, ka Agricultural College bad kiwei kiwei de ki jingpyrshang kiba eh, kiba khraw bad kiba donburom. U la long u lok ia baroh, ia kiba rit bad kiba khraw, kiba duk bad kiba riewspah, ki khynnah bad ki rangbah. Um don ka mynsiem ñiew shiliang kbmam. Lada don kaei kaei kaba paw kumba shah shiliang ka long ia kata ka liang kaba sngew kumba shah lehbeiñ ne kaba ym pat da iaryngkat briew haba nujor bad kiwei pat.

U Bordoloi u la long ym<sup>2</sup> tang u nongsaiñ hima sima, hynrei lah ruh ban khot ia u u kynja nongthoh nongtar, u nongthoh history bad u nongpynthymmai niam. U la long uba lehril shibun, uba jem ka sur ktien bad uba shisyrtap jingmut. U la long uba duh bad u la kwah ban sah kumta bad ym u ban lum spah lum phew ialade. Ynda u la iap um don ei ei ban ich shadien ia kiba ha ling jong u.

Ban pynsah jingkyrmaw ia une u rangbah jong ka Assam la pynlong ia kawei ka jinglum synñiang, ia kaba la al kyrteng ka Lokapriya

Bordoloi Memorial Fund. Ki don laityll ki jingpyrshang ban tei mot uba iadei biang bad une u briew. Kawei kaba thaw ia ka Lokapriya, Gopinath Bordoloi Memorial T.B. Hospital bad Sanatorium; kawei pat, ban thoh ia ka jingim jong u; nangta ban thaw ka Senate Hall jong ka Guwahati University ia kaba yn khot da ka kyrteng jong u. Ka jingkheĩ ia ka jinglut na ka bynta ka Hospital ka long Rs. -,50.000/- na ka bynta ka Senate Hall Rs. 30,000/- bad na ka bynta ka kitab ia ka jingim jong u Rs. 10,000/-. Ka jingtrei jong u ka dang iaid shaid-shi-shaid. Da ka jingdon jong kane ka Hospital bad Sanatorium ka jingkyrkhu kam long tang ia ka shneng Guwahati hynrei ia ka ri baroh kawei. Ka ri jong ngi kan long da kumwei, kan nangkiew shuh shuh shaphrang lada kin nang mih ki Bordoloi napedeng ki briew jong ka.

---

## LYNNONG II

### U SYIEM BRUCE BAD KA THAPBAWA

1. U Bruce ka Scotland marwei u shong  
Ha jinglong ba tmang u da sngew ;  
U long keĩ u syiem bad pansngiat u phong.  
Bad mynsiem jong u ka sngewjem.
2. U dem iai pyrshang ban leh ka kam rangbah,  
Ban kmen la ki briew la jong ; , ,  
U pyrshang pa pyrshang, te hynrei um lah ;  
Kumta ka dohnud ka mong.



3. U shong marwei khop da jingsngew bukhoh,  
U khulai kat lah kat iai ;  
Bad hadien shipor u kut jingmut noh,  
"Nga keiñ noh katto, ngan nai".
4. Te hamar, hangta ka thapbawa ka noh,  
Bad u sai rusom jong ka ;  
Bad u syiem mar kumta de u sangeh noh,  
Ban peit kai artad ia kata.
5. Ka la long jngai jngai na ka sad haneng,  
Bad ka sdien ha u tyllai ba jrong,  
Da kumno kan poi sha la iing shaneng,  
U Bruce um lah ban ong.
6. Nangta ka sdang ban snoh ban par,  
Beit sak da ka jingialeh tyngeh ;  
Te sbak ka hap da ka jingsakar  
Hajan ka khyndew ka sangeh.
7. Beit beit ka phet kam man da sangeh :  
Ban pynpaw ia la ka jingnud,  
Ted ka hap kham harum ; hangta ka neh,  
Ba ngir-ly-ngir ka syntuid.
8. Tang sugewjem ka kblich te biang ka leit,  
Sa shipruh kham haneng ka lait :  
Ha u ksai uba ni ka da kiew beit beit,  
Ia lynti ba lwait bad ba thait.
9. Te biang ka hap, bad doi-ly-doi,  
Te joit ka kiew pynstet,  
Sharum shaneng teng teng ka poi,  
La khyndai sien ka phet.

10. "Keiñ". ong u syiem, "ka khñiang ba pli."  
 Katno la kut i bor,  
 "La katno ka leh ban kiew nga i,  
 Ka tyllun man ka por."
11. Te joit pynban sa shisien pat ;  
 Ani ! ka kiew-pa-kiew hi ;  
 Kan poi ha jaka sa tang shi kjat,  
 Haw ong sha kan poi kaba pli ?
12. Suki-pa-suki mian-pa-mian.  
 Joit-shi-joit ka kiew ;  
 Ha jingphet iakut iawai kynsan  
 Te khop bad ka poi sha la thliew.
13. "Shawas ! Shawas !" pyrta u syiem,  
 "Ka burom ka long ia kito ;  
 Thapbawa ka beifñ ia ki jingrit mynsiem  
 Ka jop thiaw, ma nga pat kumno ?"
14. U Bruce ka Scotland u kut jingmut :  
 Ka khanatang ka ong ;  
 B'u pyrshang artad de khatduh iakut ;  
 Bad nongjop thiaw, u long.
15. To sngew mynta, kat kiba sngap :  
 Te wat ju ong, "Ngim lah".  
 Ka 'tien khawpud, wat ju leit ap  
 Ioh alhia, sa bieit bad duk sah.
- Man katba phi shem ba phi rit mynsiem  
 Ia kam ba phi leh kaba bha,  
 Wat klet ia kane, pyrshang sa shisien,  
 Da kynmaw ia ka ñiang thapbawa.
-

LYNNONG III  
MAHATMA GANDHI



Ha ka 30 tarik u Kyllalyngkot jong ka snem 1948 ka ri India ka la iambriew namar ka jingduh jong ka ia u kpa ka jaitbynrlew India, u Mahatma Gandhi.

Ia une u rangbah la kha ha Porbandar ha ka 2 tarik u Risaw jong ka snem 1869 U long u khun khatduh jong u Myntri Rangbah, u Raja ka Rajkot.

Ki kmie ki kpa kiba bha ki long ki jingkyr-  
 khulata khraw shibunja ki khun jong ki. U  
 Mahatma Gandhi u donbok ba loh ki kmie ki kpa  
 kum kita. U la bita u kpa ha ki bun ki jing-  
 long kiba bha, ka jingieit na la ka ri bad ia la ka  
 jait ka kynja, ka jingieit ia ka hek, ka jingsbun,  
 ka jinglait na ka jingieit sbai, bad ka jingnang  
 jong u ban pyniadei ia lade bad ki parabriew bad  
 ban synshar ia ki ruh. U kitram na la ka kmie  
 khamtam ia ka jinglong tipblei tipbriew jong u.

Ynda u la don kumba 7 snem ka rta, ki  
 kmie ki kpa jong u bad la ka ling ki la kynriah  
 noh sha Rajkot. Hangne u la leit skul bad pule  
 haduh ba un da dep Matrik. Nangta u la leit  
 sha Bilat. Ynda u la pule hangta o snem, u la  
 long Barister, bad u la wanphai sha la ka ri, ha  
 kaba u leit trei katto katne snem. Nangta u la  
 leit sha South Africa. Ynda u la wan phai sha  
 Ri India u la aiti ia lade na ka bynta ban shakri  
 ia ka, khamtam ia kita kiba shah ban bein bad  
 shitom.

Ngim lah ban jer kyrteng lut ia ki kam kiba  
 bun bad kiba khraw jong u. Hynrei napdeng  
 jong ki, kine harum lai tylli kiba kham paw ch  
 bad kiba ngi ki khynnah skul ngi dei ban kyn-  
 maw. Kine ki long kum ki mot jingkynmaw ia  
 ki jingtrei ba radbah jong u.

Kaba nyngkong u trei shitom ban pynkhih  
 ia ki briew ban kheifkor ia ka jingtrei, khamtam  
 ia ka jingtrei kaba da ka kti, ia kaba ki briew

kiba la shongskul shong College ki sngewlehraiñ  
 eh bad ñiewpoh. U Mahatma Gandhi u hikai  
 da ka ktien, bad da ka kam ba lada ngi leh  
 kumne, ngi bakla shibun. U hi u la lah ban im  
 ka jingim kaba suk ban ioh ki shakri shakor  
 kyrhai, pynban u jied ia ka ban pyndonburom



ia ka jingtrei kaba da la ka jong ka kti, U la  
 pynlut por katto katne man la ka sngi ha kaba  
 thir ksai khnang ban pynkhie im biang ia ka  
 jingthir ksai bad ka jingthaiñ jaiñ da ka kti ha  
 Ri India bad ban hikai ia ki nong-India ban  
 sngewdonburom ban pyndonkam ia ki jaiñ kiba  
 thaiñ ha la ka jong ka ri bad da la ka jong ka kti.

Kaba ar, ha ka snem 1902 u la sdang ban leit ki jingleit kiba jngai ha Ri India da ka Rel ha ka Third Class bad u la leh khnang ia kane ba un dup shem da lade hi ia ka jingjynjar bad ka lanot jong ki riewduk kiba iaid Thlrd Class, u da rah kawei ka synduk thep jingbam, ka pla jaifi kanbas (canvas) kaba khadar anna ha ka u thep ia ka soptipoh, soptilor, ka jaifi niatmet, ka boh-khaila, ka kombol bad u luta, bad u da leh ia lade kum u pukir ne pilgrim uba leit wad Blei ha ki jaka kiba khuid ki Hindu. Ha kawei-pa-kawei ka jaka ba u poi u sah shisngi ha ki iing ba la thaw khnang ban sah miet ki riewniam ne Pilgrim (Dharamsala) lane ha ki iing ki lyngdoh. Ka kamra Third Class ka long kaba jakhlia palat, ka tbian ka dap da ka synrum bad da ki umbiah kwai bad dumasla. Ka kamra ka lynguh da ka tдем duma lynter bad win da ki 'tiensih 'tiensang bad ki jingiakawkaw. U Mahatma u la shem ba kaba iaid Third Class ka long kumba dih umksang. Jar katta ruh, naduh ka snem 1915 haduh ka snem 1919, u la iaid khlem sangeh bad tang da ka Third Class kylleng ka ri.

Ki baheh bahaiñ haba ki ap ha steshon rel ban pdiang burom ia u, kim shem ia u tad ynda ki leit wad ha ka Third Class. Balei phi ia lyngngoh? Ki para jong nga ki iaid Third Class, nga ruh nga iaid" U kam hynmen para ia ki raitong ba pli jong ki spah million ka ri India. Hynrei um hun tang katta. U sngew ba u dei ban pynhiar ia lade ha ka jinglongrit

haduh ka kyrdan baduk tam bad bapoh tam kaba long ka kyrdan metor. Ha ki jingialang paidbah kum ha ka Congress kaba la long ha Calcutta ha ka snem 1901 dei ma u uba la pynkhuid ia ka jaka leit bai. U sngewdukha ba um shem uwei ruh na ki briew ka Congress u ban ia-soh lem bad u ia ka burom ban leh ia kata ka kam. Haba uwei u Sahep u la pynkhuid ia ka paiñkhana ha ka kamra rel, ki nong-India ki ia ong ia u "O, imat phi iashong iasah ryngkat bad u Mahatma Gandhi" Ha Delhi u sah ha shnong ki metor (Bhangi Coloni) ym ha ki iing paki ne ki iing Syiem patsha, wat la u long u Kpa jong ka pyrthei India. Ba u leh khyllah kumta? Namar ba u iohi ba wat kiba pohjait tam ki long ki briew U Blei, ia kiba u khot ki Harijan—ka ktien kaba u thaw hi ma u bad kaba dei ban kynnoh kumba la spel *horijon*.

Kaba lai, u Mahatma Gandhi u paw ruh kum u 'lurstep ba phyrnai ha ka jingieit bad jingshakri ia ki briew tang namar ba ki long ki parabriew khlem kheiñ ia ka jait, ne ka niam, ne ka rong ka sniehdoh, la shisha ka phylla ka da khia da khia jur hi keiñ sha ka liang ki para nong-India. La bna baroh shipyrthei shaphang ka hukum, "Men ieit ia la u parabriew kumba ia lade" bad shaphang jong Uwei Uba la ong ba U la wan ym ban ioh shakri hynrei bau shakri. Imat ba u Mahatma Gandhi u la kiew kham jrong ban ia uno uno u briew ha Mihngi ne Sepngi ia u Lum Bah ka Jingjanai ha ka Jingieit bad jingshakri ia la ki parabriew. Ha South

Africa u la ioh nam kum u rangbah uba sngew-lem ia kiba la shah lehbeiñ bad shah ibeiñ. Ha kawei ka sngi la wan iam ha u uwei u briew uba kyrteng u Balasundaram, u khar Madrasi uba la shah shoh jur ha u kynrad jong u Ki jaiñ jong u ki la kad rynthaw, artylli ki 'niatkmat ki la kheñ, bad ka shyntur ka la phlei da ka snam. Uda bat ia ka jaiñspong ha ka kti bad u kyih that that. U Mahatma u la phah ia u sha u doktor ban ioh ka sartiphiket shaphang ki jing-mong jong u bad tang shu ioh ia ka sartiphiket, mar mar u la ialam ia u sha u nongbishar. U nongbishar u la dem haba u la pule ia ka dorkhas jong u bad u la pynmih ka somon pyr-shah ia u kynrad jong u ; hynrei u Mahatma um kwah ialeh mokotduma bad u la kit ha lade ia ka kam shitom u nongpynsuk pynbha. U la leit iashem bad u kynrad bad la wad da uwei pat u kynrad ia u Balasundaram. Naduh kata ka por, ki nong-India kiba trei bylla kitnong ha Natan ki la wan tuid kum ka um sha ophis u Mahatma Gandhi bad ka nam jong u ka la phriang wat lyngba ka duriaw shadub Madras. U rit u ria u sngew ba don uwei u 'Riew rang-bah u ban long kñi long kpa ia u ha ka jinglong khunswet jong u ha ri nongwei.

Shisien uba pang ñiangsynrang u la wan ieng ha ka jingkhong jong u. Kumno un leh ? Ua ai ja ia u bad hadien kata un phah noh ia u ? Em, nalar kaba ai ja ; u la ai jaka ia u ban sah u da sait ia ki jingmong jong u ban sop spaiñ ia ki bad u la sdang ban sumar ia u. Hynrei, namar



ba um lah ban iai leh slem kumta, u la phah noh ia u sha Hospital Sorkar. Kane kam pynsuk mynsiem ia u. Ka dohnud jong u ka sliang ban ioh ki kam leh bha ia la ki parabriew kaba neh. Kumta u la pyllait por ban leit trei ha ka Charitable Hospital kum u Compounder. Ki briew kiba wan wad jingiarap ki long ki nong-India. U kylli ki pang aiu, u batai ha u doktor ia kaba ki iathuh bad u khleh ia ki dawai ba thoh u doktor. U hikai ruh ia ka kam *nursing* bad kam nongbat khun Kynmaw u la leh ia kane baroh ryngkat bad ka long barister.

U Mahatma Gandhi u wad khlem thait ia ka kam shakri ia ki briew ha ki jynjar bad ki lanot. Haba la khie ka thma Boer, u la tyrwa iade kum u Nongialam ka kynhun nong-India ban leit bah na ki madan thma ia ki shipai kiba iap bad mynsaw u da sngew, ba kumba u dawa ban ioh kijuh ki hok kum kiwei pat ki khun ki hajar u Syiem Bilat, kumta ruh u dei ban ia don kti lem ha kaba iada ia ka Hima Bilat, bad nalar kata ba dei ban pyni ruh ia ki Phareng ba u nong India um dei u khawpud hynrei u long u briewshlur uba lah ban pha ia la ka jong ka jingim haba donkam. Ka kynhun ka long khadwei spah ki rangdajied lem bad sawphew ngut ki nongialam, lem ruh bad u Dr. Booth, u khlieh jong ka Charitable Hospital. Ki Boer ki la pynpaw ka jingshlur, ka jingdohiap bad ka jingsnar mynsiem kaba khraw. Ka thma ka la rhem hai. Ka sorkar ka la donkam ia ka kynhun

u Mahatma bad ka la pdiang ia ka jingtyrwa jong u, hynrei kam 'kwah ia ka kynhun ban leit trei hapoh ki pud ka kut suloi bad ki tup

Ka jingialeh ha speinkop ka la long kaba jur. Ki Phareng ki la hap kynran dien hadien ka jingiatur ka bym kheiñ shuh ia ka iap ka im. Ha kane ka por syngit, khait ka Sorkar ka ong ba kan sngewnguh lada ki nong India kin leit shapoh ki madan ialeh thma bad kin wallam ia kiba mynsaw. Ha kita ki sngi u Mahatma Gandhi bad la ki briew ki la iaid arphew haduh arphewsan mail shi sngi, ba ki bah ia kiba mynsaw ha ki jingthiah. U ong ka long ka burom ia ka kynhun ban ioh bah ia ki baheh bahaiñ, kum u General Woodgate. Ki shipai Phareng ia kiba ki iakynduh, da ki hajar ki leh lok ia ki bad ki sngewnguh ba ki la don hangta ban shakri ia ki. Um lah khlem da buh ha ka jingthoh ia ka jingkyrmaw ba thiang kumno ba ka jinglong briew ka pynpaw ia lade ha ka dur kaba itynnad tam ha ki por ba shipa. Haba ki dang bah ia ka met u Lieutenant Roberts, u khun u Lord Roberts' na ka madan thma ha kaba u la kyllon bad u la iap, ki la poi ha iwei i wah-duid ryngkat bad ki shipai Phareng. Ka la long ka sngi ba shit lyhep bad baroh ki la tyrkhong khoit. Hynrei mano ban dih um nyngkong. Ki nong-India ki ong ia ki shipai ba kin dih shuwa ma ki, hynrei ki shipai kim treh ki ong, "Dih shuwa ma phi" Kumta la don ka jingia knieh sngewbha (ban ia ai burom kiwei ia kiwei pat. Hynriew taiew ka kam ka kynhun ka la

neh bad ka South Africa ka la khywin da ka  
jingiaroh bad ka jingrwai pyndonburom ia ka.  
Ki Kotkhubor ki shon ia ki jingrwai kiba  
don ka khorus :—

“Pleng ngi dei ki khun ka Patsha hindu  
khat ei ”

U General Butler, u Jernel Rangbah duh u  
la pynpaw ia la ka jingñiewkor ia ka jingtrei ka  
lynhun ha ka report jong u sha ka Sorkar bad  
ia ki rangbah ka kynhun la ai ka takma thma  
(War Medal)

Kumba ka han ka mareh sha ka um, kumta  
ruh u Mahatma Gandhi u ngam piaw piaw ha  
ki umbah jong ki jynjar khlem kheiñ ia la ka  
jingim. Ka khlam iong ba shyrkhei ka la khie  
ha Johannesburg bad ka la kem 20 ngut ki  
nong-India. Mano ban tur sha ka ding ? U  
Sriput Mansanjit, u Dr. William Godfrey bad ma  
u ki la kloï ; hynrei 3 ngut ki nongpang ki long  
palat ia ka bor jong 3 ngut ban sumar. La dum  
ngaiñ keiñ hangne ban shem ki shamoit tur iap ki  
ban iarap lem. U Mahatma Gandhi u long u  
briew ka jingngeit u ong ka long ka jingngeit  
jong nga kiba la seng nongrim halor kaba  
nga la shem ba ha ba ka dohnud u briew  
ka jngut, ka jynjar ka wallam nadien jong  
ka ia ki briew bad ia ki lad ban ialeh ia ka.  
Ki la don 4 ngut ki samla India ha ka ophis jong

u ia klba lah ban khot ki khun jong u Ia ki u la rai ban khelf duh. U tang shu kylli, ki la ai ka jubab kaba thiang bad kaba tang shikyntien, "Kat ha {kaba phi don ma phi, ngi ruh ngin don." Uwei u Phareng ruh de u la kloi, hynrei namar u long uba bun khun, u Mahatma u la khang ia u ban leit pha ia la ka jingim. Ka miet kaba nyngkong ka long kaba shyrkhei Baroh shimiet ki la iapeit khlem ia khapbrip shikhmat, ki da pyndih dawai ia ki nongpang, ki da phikir ia ki jingdonkam jong ki bad ki da sumar khuid ia ki jingdem jong ki bad ki da ia pynshngaiñ ia ki. Ki nongpang ha kata ka miet ki laitim baroh; hynrei ynda hadien, tang arngut ki la im. Kiwei pat ki la iap noh baroh Wat ka nurse jong ki ruh ka la kem pang bad ka la iap.

Hadien kane la jia ka thma Zulu U la tyrwa pat ban iarap bad ka Sorkar ka la pdiang kloi lan ia ka jingtyrwa jong u Ka kynhun ka la long 24 ngut ki rangdajied. Khnang ban iaideit beite ka kam, la thung Sargeant Major ia u Mahatma, Sargeant ia kiwei pat 3 ngut kiba jied ma u, bad Corporal ia uwei. Nalor kata ka Sorkar ka la ai ka riam ka beite ia ki. Ka kynhun ka la treila jan 6 taiew. Ka khleh bad ai dawai ia ki shipai Phareng; hynrei ka kam ba kongsan jong ka ka long ban' sumar pang ia ki Zulu kiba mynsaw. U Doktor Rangbah u la pdiang ia ka

Kum kaba la phzh da U Blei hi namar ba ki Phareng kim mon ban sumar pang ia ki Zulu kiba la shitom eh na ki jingmynsaw jong ki, bad ba ki la ksuit. La buh ia ka bad ka kynhun shi-pai shong kulai Arsien laisien ka la dei ban iaId haduh 40 mail shisngi bad ki jingthiah bah briew ha la ki tyrpeng. U Mahatma Gandhl u ong ba kat shaba ki leit u dap da ka jingsngewnguh ba u bad ki para nong-India ki la ioh ban trei ia ka kam ba bha jong U Blei, ki da kit halor ki jingthiah bah briew ia ki Zulu bad shakri ia ki kum ki nurse ha ka jaka shong dara bad da ka jingleh sbun la pynshlei ia ka dohnud ki Zulu da ka jingmen.

U Mahatma Gandhi u la shem ha South Africa ba lah ban ioh ia ka jingieit u paitbah tang da kaba shakri ia u. Kumta ka motto jong ka jingim jong u ka long. 'Shakri ia u paitbah bad ioh ia ka jingieit jong u paitbah'. Hadien ba la wan phai sha India, u la ioh ia ka jingieit bad jingburom jong ki khlur ki para ri jong u.

Haba u wan sha Assam, kawei ka mem kaba la wan ryingkat bad u, ka ud ba ka la kyllut ki shkor namar ka jingkhynwin ka jingusa ki hajar kiba wan khublei ia u ha man ka jaka ba ka rel ka sangeh. Ai ba kiba dang khie dang san baroh kin bud ia ki dienjat jong u khnang ba kumba la pynioh ka jinglailuid ia ka Ri India na ka jing-synshar jong ki nongwei, kin pynioh ka jinglailuid ia ka ri baieit jong ngi na ki jngsaiew kiba bat mraw ia ka.

## LYNNONG IV

## U STAD SAIAN BA KHRAWNAM



Ngin iathuh kai khyndiat shaphang uwei u riewstad ba khrawnam, uba la pynlyngngoh ngaiñ ia ka pyrthei da ka jingstad saians jong u. Une u long u Sir Isaak Newton (1641—1727).

Haba u dang khynnah u ju sngewtynnad ban thaw kai kiei-re-kiei kiba pynbyrngia ia u bad ia ki lok jong u. U hikai ma u nyngkong ia la ki paralok kumno ban pynher kot kudi shalor suiñ. U shna ki sharak lynten da ka kot sada, bad u teh ia ki ba ki idong ki kot pynher jong u ban pynher mynmiet. Ki briew dang nyngkong ki la sheptieng ban iohi ia ka sharak kaba her mynmiet sha bneng.

Shisien haba u dang shong khreh kot ha tral uwei u dieng appl ba kper, u iohi ba hap u soh appl. U la kyndit thret bad u la pyrkhat balei u hap U wan kylli sha iing, kim lah jubab. Ki ong pynban ba u dei ban hap : bad ki lyngngoh ia ka jingbieit mutlop jong u. U la ong, "Balei ba um sahkut hajuh hajrong dieng, ne hap sha suifi, ne sha pyngkiang ; balei u hap pynban sha khyndew?"

Namar bym don ba lah pynhun ia ka jingthrang kwah tip jong u, u la shu sangeh hangta kum u bieit. Ynda u la san, u sa tip ba ka jinghap ka jong u soh. ka long ba ka pyrthei, ka ring ka tan sha lade ia baroh ki met kiba don hajan jong ka. Naduh kata ka por la nang shem shuh shuh sa ia kiwei kiwei de

Ha ka por ba u Newton u dang leit pule ha kawei ka Skul bah, u la kylli ia u nonghikai Skulbah, 'Kaei ka jingshai kaba lieh?' (What is white light?) Uta u nonghikai u la jubab "Ka jingshai kaba lieh ka long kata kaba lieh ka jingshai" (The white light is the light which is white). "Hynrei balei keifi ka lieh"? la kylli biang u Newton. Uta u nonghikai um sngewthuh ia ka jingkylli, bad u la mai pynban ia u. U Newton ba pli u la shu sah bieit ha ka lyngngoh.

Ha kawei ka por u la leit wai iing kawei kaba sha kyndong. Hangta ha kper, naduh dang shai pher haduh por leit ophis u shong bad ka dabor um sabon kaba heh. Baroh baroh shistep

u iai pyrsad pynher palong um sabon sha suiñ. Tang shu wai ophis ruh u leh kumjuh ; naduh saw baje haduh ynda dum bym lmat shuh, u shu dem iai pyrsad pynher um sabon man la ka janmiet. Kumta borabor u iai leh la mynstep ne janmiet ; u da khmih shaiñ thlip ki khmat sha ki palong ba her.

Ka para marjan ka la l lyngngoh bad shu peit beit ia ka jinglehbieit une u briew. Ynda wan kai ka paralok, ka la lalam ia ka sha jing-khanglit kaba phai sha kper, bad ka la kdew ia uta u briew.

“Ha khmth” ka ong, “hangne hajan la wan shongwai u briew uba lamwir uba pynlut la ka por step bad janmiet, man ka sngi ha kaba pynher palong umsabon sha suiñ, kum u khyllung”. Kata ka paralok ka la phai ktien ka ong, “une u dei u Isaak Newton ba donnam, bad shislen ka sngi ngin sa tip ka jingstad ba phylla aiu un wan ai sha ka pyrthei da kane ka jingleh jong u”.

Da kane ka jingleh ba i bieit jong u, u Isaak Newton u la jubab hi ia lade kaei ka jingshai ka ba lieh ; balei ba long simpyllieng ha suiñ bneng, bad balei ba ki palong um sabon ki kylla rong kum u simpyllieng. Bad ngin sa nang tip de sa ia ka X-Ray—ka jingshai kaba pyniohi peiba la ka doh ban lohi ia ki shyieng ki shruh, ba khelñ ne kynriang, bad kiwei kiwei de.

Lada phi pynher palong um sabon sha suiñ kum u Sir Isaak Newton, phln iohi hangta ia ka rong simpyllieng. Lada phin pynshah ia ka



dong jong ka iitkhmih ha ka sngi hangta phin iohi ia ka rong simpyllieng ba ki shat ha ka kyn-roh. Lada phi kum khmih ia ka symboh jynhaw umjer ha ki sla dieng ba ki shai phyrnai ha ka sngi mynstep, phin iohi hangta ia ki rong simpyllieng. Lada phi peit rit la ki khmat jong phi sha pyrshah ka sngi, hangta ha khmat jong phi phin iohi ia ka rong simpyllieng. Pyrshang leh hi ia kine baroh bad phin shem hi kumta da lade hi.

Sngap u Newton u batai kumno ia kane. Lada ia ka jingshai kaba lieh, kata, kaba laid beit tylli kawei, la pynpait ne pynpra noh, mih hynñiew tylli ki rong. Haba ia ka um sabon kaba lieh ka jingshai ka sngi ka shat pashing, mih rong simpyllieng. Lada ia ka dong iit kaba lieh la ailad ia ka jingshai ka sngi ban sbat pashing yn mih 7 tylli ki rong simpyllieng. Kumta ba ka kjat sngi kaba shat pashing ha ki symboh umjer ne lyngba ki ummat ha ki shñiuh irmat jong phi kan pynmih rong simpyllieng hynñiew tylli. Kita ki long ter ter kine:—ka rong saw, rong snep sohñiamtra, rong stem, rong iyrngam, rong suiñ bneng, rong lir bad rong violet. Na ka jingsaw kyrang jong ka rong ka nangdum bad duna ka rong shaduh kaba lam dum syndon artad. Dei ia kine ki rong ba ngi iohi. Kaba sha lyndet ka rong saw ka lieh phyrnai eh, kumta ba ngim iohi. Ki kjat sngi jong kane ka rong ki long kiba jrong eh. Sha lyndet ka rong violet, ka kjatsngi ka lyngkot bad ka dum, kumta ba ngim iohi.

Ka kjat sngi kaba shat phyrnai eh ka long kaba shai than sha lyndet kiba saw, ba kumta, ngim lah iohi. Kine ki long ki jingkyngjat jingshai kiba ki 'riewstad mynta ki iohbuit ban shondur haba dum, bad ban pynmih paw ia ka dur u nongkren uba sha jngai bah jong ki ha ka telephone.

Da ki jingkyngjat jingshai kiba lyngkot bad kiba dum ruh ki riewstad mynta ki ioh buit ban pynshai ia kaba dum. Lada kheif ka shyieng jong phi hapoh ka met, u doktor u ialam ia phi ha kawei ka kamra, u pynieng ia phi hangta bad pynshah da kine ki jingkyngjat jingshai Shi-syndon yn iohi ia ki shyieng ki shruh jong phi ha ka jingkyngjat jingshai lyngba ka doh jong phi. Kata ka shyieng kaba kheif kan paw tyngkreif, bad i kumba don ha phi tang ki shyieng khlem doh. Ia kane ka jingkyngjat jingshai, u nongshem banyngkong ba ym tip shuh kumno ban ai kyrteng u shu ong noh 'X-Rav' (ka jingkyngjat jingshai kaba ym tip kumba ong ha ka Aljebra).

Ngin ym thoh bun kyntien eh shuh sha-phang kine. Na kine kiei kiei kiba rit, ngin sa nang sngewthuh balei ba saw itynnad ka bneng dang step phyrngab shuwa ba kan shai pher, Ngin sa nang tip ruh balei ba mih rong itynnad ha ki lyoh ha sahit bneng, la kum ki khyrdop bad khilon bneng por sep ka sngi. Ngin sa nang sngewthuh bha ruh balei ba mih rong simpyllieng ha u lap ñlup ñiup ne, haba jreif slap ha suiñ



2. Ym don kheri peit por ma ki  
 Ban kyrsiew thiah ia ki nongrep bapli ;  
 Hynrei tang shu kynih u iar 'nyngkong  
 ki klof ban khle;

La ka waitbnoh, la u mohkhiew ki sdien,  
 La ka 'nupbah jasang ki kleng shadien ;  
 Ki mih hi bran ban leit sha lyngkha  
 khlem kylla dien.

Ia la ka kam ki trei shitrhem  
 Ryngkat bad ka jingkmien thop ki iadem,  
 Mynsiem laitluid kat ki shisha mano ba  
 lah ban shem.

3. La shit kyrang ka sngi yn lei,  
 La u 'lapbah u hap ruh kim lei lei ;  
 Kum masi lur ki shah khlem rej ki dem  
 hi sia ban trei.

Na la ki lyngkha ba jyrngam ki rwai  
 Ki sur ba syiang na ki ki mih khlem wai ;  
 Ryngkat bad la jingtrei khlem thait, ka  
 bor ruh khlem tyngkai,  
 Umsyep ba tuid halor ki ngab.  
 Ka lyiur, ka Tlang ka shoh hynrei kim  
 Mynsiem shynrang kat ki shisha ym don sngap,  
 ba lah ban lap.

## LYNNONG VI

HYNÑIEW TYLLI KI JINGPHYLLA KA  
PYRTHEI HYNDAL.

Kumba long ma ngi mynta, kumta ki riewhyndai ruh ki long ki briew kiba phylla. Don bun kiei kiei kiba phylla kiba ki riewhyndai ki la leh bad na kita don hynñiew tylli kiba long da shisha ki jingphylla kiba khraw bad kiba la lyngngoh wat la ka pyrtnei kaba mynta. Ia kine la khot ki "Hynñiew tylli ki jingphylla." Kiba bun na kine ki long kiba ngim lah shuh ban iohi hynrei ki dlen bad ki dak jong ki ki dang sah tyngkreñ. Kine ki jingphylla hynñiew tylli ki long ki pyramid ha ri Ijpt, ki kper ba la shu sdien ha Babilon, ka ling-blei (temple) ka Diana ha Ephesus, ka dur tama (colossus) u blei Apollo ha Rhodes, u mawdur (statue) u blei Zeus ha Olympus, u maw jingtep (Mausoleum) jong u syiem Mausolus ha Halicarnasus bad ka pharos lane ka lingtbeh-ding (lighthouse) ha Alexandria.

Ki pyramid ki dei ki mawjingtep jong ki syiem Ijpt hyndai. La tei ia ki da ki maw kiba heh. Ka trai jong ki ka long sawdong bad ki kynroh baroh sawtylli ki long tnum lai dong bad ki tduh jong ki ki iakynduh lang bad pynlong khlieh kaba rit bad ba nep. Ha kawei na ki liang ka don ka jingkhang kaba ialam sha kawei ka kamra kaba heh ha kaba ki buh ia ka metiap kaba ki khot ka "mummy" kaba la shaiñ bad kyllan musla

bha. Ia kane ka mummy la buh ha kawei ka synduk kaba ki khot ka "sarcophagus" kaba la shna da ka ksiar lane da u maw marbl bad da kiwei kiwei ki tiar kiba kordor. Don ruh ki kamra kiba rit kiba iasoh bad kane ka kamra heh bad ha kine ki buh ia ki synduk kiba heh kiba don ki mawkordor: ki jingdeng jingkup, jingbuh jingsat, jingbam jingdiu bad kiwei kiwei ba kita kiba iap kin pyndonkam.

Ki pyramid ki long kum kawei na ki hyn-niew tylli ki jingphylla ka pyrthei hyndai. Ki long lai tylli. Uba nyngkong u dei u pyramid uba khraw jong u syiem Khufu; uba ar u dei u pyramid jong u Syiem Chephren bad uba lai u dei u pyramid jong u Syiem Mahkaura. Kine baroh lai ki don ha Gizeh, kumba katto katne mail na Cairo U Pyramid bakhrav jong u Syiem Khufu u jrong 440 phut ka kynian kawei kawei ka trai ka long 755 phut bad ka jingheh ka khyndew ba tap ma u ka long 15 akar. Ki maw ba la tei ia une ki khia kumba 120 million mon. La tei ia une da ki 10,000 ngut ki nongtrei bad ka shim por 20 snem. La ula ieng mynta la kumba 5000 snem, hynrei u dang sah haduh mynta ban long ka sakhi ha ka pyrthei ba ki 'riewhyndai ki lah ban leh bun kiei kiei kiba phylla.

Kawei pat ka jingphylla ka long kita ki kper kiba la shu sdien ha Babilon, Ka Babilon ka dei ka shnong kaba don ha ka pyntha jong ka wah Tigris bad Euphates. U Syiem

Nebukhadnezzar u la pynlong ia ka, ka nongbah jong u bad baroh sawdong jong u la tei da ka kynroh kaba kumba 500 phut ka jingjrong. La ong ba ka Mahadel jong u ka Amytis kaba na rilum Media ha Asia Minor, haba ka peit ia ki them sawdong ka Babilon, ka kynmaw hir hir ia la ka rilum Media bad ka da kwah dik dik ban leit phai sha la iing. Khuang ban pynmyllen ia ka, u Nebukhadnezzar u la tei ia kata ka kper ba la shu pynsnoh bah ha ki kynroh U pynieng baroh sawdong ka kynroh shnong da ki paia kiba heh bad kyrdan kyrdan halor ki khilon ki ba heh u shua ki kper bad thung ki dieng bad ki syntiew naduh ka kyrdan kaba na trai eh haduh kaba ha khlieh eh. Ynda la dep ba la ieng ki dieng ki siej bad ki syntiew ki skud ha la ki kyrdan kyrdan, ka long hi kum ki lum ka ri Media. Kine ki kper kim don shuh mynta. hynrei ki dak jong ki ki dang sah ban iathuh ia ngi ia ka jingphuh 'jingphieng jong ki mynba ki dang ieng 2500 snem mynshuwa.

Kawei pat na ki jingphylla ka long ka iing-blei (temple) ka blei Diana ha Ephesus. Ka Diana ka dei kawei na ki blei Greek Ka long ka 'lei bnai lane 'lei jingshai bad ka long ruh ka lei sotti. La ju khot ruh ia ka, ka nongbehmrade bad ka kieng ia ka ryntieh bad ka ryngkap khnam bad la buh ia ka da ki sewbeh bad da ki sier. Ka jaiskup bad ka jaisapmohkhlieh jong ki ki long kiba jrong.

Ha ka shalangmat jong ka don ka dur bnai. Ki nong-Epbesus ki tei thaw burom ia ka ka wei ka lingblei (temple) kaba iphuh iphieng haduh katta katta. Ha ki kynroh jong ka don ka jingohdur kaba itynnad bad ha ka jaka kyntang jong ka don ka duwan kaba da i-shongkun bha. Kane ka lingblei ka long shi-sha kaba itynnad bad kaba donnam ha ka por hyndai bad ki briew na kylleng ka pyrthei ki tuid ban leit peit ia ka.

Kawei pat ka jingphylla ka long u mawdur u blei Apollo ha Rhodes, uba ki khot u Colosus. Ha ka duriaw Mediterranean la don kawei ka dewlynnong kaba ki khot Rhodes. Ka don kumba 12 mail na Asia Minor. Ka nongbah jong ka ka dei ka Rhodes. Kane ka shnong Rhodes ka long ka kadlieng bad ka jaka khañi pateng kaba khraw ha ki por hyndai. Kum ka khyrdop ban rung sha kane ka kadlieng, ki pynieng uwei u mot dur tama jong u blei Apollo uba 100 phut ka jingjrong. Ka shim por 12 snem ban urei ia u Ki kjat jong une u maw dur ki bongang na shiliang sha shilang kane ka kadlieng bad ki lieng ki ba rung bad ba mih na Rhodes ki bañd napoh ki kjat jong u. Ha ka snem 200 S.K. u jumai u la pynkyllon la une u radbah uba khraw ha ka snem 572 H.K. La die na une u mot tama ha uwei u nongkhañi uba la phiañ ia u lyngkhot lyngkhot ban pynkit ha ki 900 tylli ki ut.



Ha kjat jong u lum Olympus ha Greece, ka don kawei ka jaka kaba ki khot ka madan Olympia. Ha kane ka madan ki Greek ki tei uwei u mawdur na ka bynta u Zeus, u blei ba rangbah tam jong ki. Ia ka jingtrei hi la trei da uwei u nongot dur uba pawnam tam ha Greek ha kata ka por uba ka kyrteng jong u ka long u Phidias. Ia ka met jong une u mawdur la shna da ka bniat hati bad ka jaiŋkup jong u ka long da ka ksiar. Ia ka khet ha kaba u shong la thaw da ka ksiar, ka bniat hati bad ka dieng ebony. Ha ka kti kamon jong u don ka dur jong ka jingjop bad ka kti ka diang jong u ka bat ia u diengduh uba ha khlieh jong u don ka dur pukn. Une u mawdur u long shisha ka jingtei kaba ishongkun bad i khraw.

Hyndai ha Asia Minor ka la don kawei ka hima kaba kyrteng ka Caria. Ka nongbah jong ka ka long ka Halicarnassus. Shisien la synshar ia ka da u syiem Mausolus. Une u syiem u la iap ha ka snem 353 S.K. bad ban pynsah nam ia u, ka mahadei jong u ka Artemis ka la tei ia uwei u mot jingtep uba ki khot u Mausoleum. Ha kliar jong u ka don kawei ka kali kaba la otur bha ba la pynring da ki saw tylli ki kulai bad la pynshong ha kata ka kali ia u syiem Mausolus bad ka Mahadei jong u. Kane ka jingtei ka long shisha kaba itynnad bad ha ka pyrtnei hyndai ka la long kawei na ki jingphylla kiba khraw.

Kaba khatduh ka jingphylla ka long ka Pharos lane ka lingtbehding (Lighthouse) ha Alexandria. La tei ia kane ka shnong Alexandria ha ka snem 33 S.K. da u Patsha Alexander u Bakhraw jong ka hima Makedonia. Ha ka snem 309 S.K. la kiew khet pat da uwei u syiem uba kyrteeng u Ptolemy uba Ar. Une u syiem u la tei kawei ka lingtbehding ha iwei i dewlynnong iba rit hajan ka kadlieng Alexandria. Kane ka jingtei ka long da u maw marble suda bad ka jingjrung jong ka ka long 500 phut. Ha tnum jong ka ka don ka ding kaba meh bad sngi bad miet ban ia ki lieng kiba rung bad mih na Alexandria. Ia kane ka ding lah ban iohi ha duriaw kumba 30 mail ne. Ka bor ba pynjot jong ka duriaw bad u jumai ka la pynduh thiaw ia kane ka jingtei bad ha ka jaka jong ka la pynleng da kawei pat.

---

## LYNNONG VII

U ABRAHAM LINCOLN BAD KI MRAW  
NEGRO.

La kha ia u Abraham Lincoln ha u February 12 1809, ha ka lingtrep ka Kentucky, ha America. Ki kmie ki kpa jong u ki long kiba duk bad ba shitom shibun. U kpa jong u uba kyr-teng u Thomas Lincoln um nang wat tang ban thoh ne pule ruh. Kumta u la dei ban trei shitom tang ban pyndap ia ki jingdon-kam ka ling kum ka bam ka dih bad ka kup

ka sem. Nalor kata pat, ka lingtrep u Abraham Lincoln ka long jngai bah na ki nongbah ka ri America. Kumta um lah ban ioh leit skul wat lada u thrang naduh ka mynsiem. La ong ba u la pule ha ki san tylli ki skul hynrei tang 19 bnai duna,—ka daw ka long ba u dei ban kynriah na kawei ka jaka sha kawei pat ryngkat bad la ki kmie ki kpa.

U Abraham Lincoln u don ka met ka phad kaba itynnad shibun. Ka rynieng jong u haba u dang 17 snem ka rta ruh ka la long hynriew phut bad ynda u la dap 19 snem u la poi haduh 7 phut 4 inshi. U la long ruh u rongialehkai uba khlaifñ bad ba pawnam shibun. Ha ki jingialehkai, kum kaba ialympat bad ia her ia rysied ym kham don koit kaba lah ban ialeh bad u.

U long ruh uba smat ban iarap kam ia la u kpa. U sngewtynnad ban pynkhuid ia ki khlaw bad pom dieng ban puh khyndew bad ban thung jingthung. u ju sngewbha ban iarap ia ki paramarjan bad ia baroh kiba shitom lane pang.

Hynrei kaba u Abraham Lincoln u sngewtynnad bad kheiñkor eh ka long ban pule kot. Bunsien bunsien u ju ia id da ki phew mail ban leit pan kyliang ne pule kot. Ngi dei ban kynmaw ba dei da ka jingpynshitom ia lade ryngkat bad ka jingiarap ka kmie jong u, 'ka Nancy Hanka' ba u la nang ban

pule bad ban thoh. Um ju don let ne kotsada hynrei u thoh jingthoh da u rnga ha ka lyntang. U long ruh uba nang bad ba tbit shibun ban kren bad ban iathuhkhana. U ieit ia ka hok bad ka jingshisha bad dei kane kaba la pynlong ia u ban rung sha ki kam aifi (Law) kum u shakri ba hok ka ri America.

Ha ka snem 1828 yuda haba u la dap 18 snem ka rta u la pynbit ia lade kum u nongking lieng. Ha kawei ka sni u la leit poi sha ka jaka ba don ki Negro. Ki Negro ki long ki mraw ia kiba la thied na Africa ban pyntrei kam ha America. Ki long kiba sniewbriew shibun bad ka sniehdeh jong ki ka long kaba iong pring. Kane ka jingiohi ka la ktah shibun ia ka dohnud jong u Abraham Lincoln, lehse kumba ka la jia 100 H K ia u khun syiem Gautama haba u iohi ia ka jingshitom jong ki parabriew bad ki parajingim. Ka jingkhañi mraw ka long kawei na ki kam kaba jur shibun ha ki iew ha America. U Abraham Lincoln u la kut jingmut triang ba un pyrshang katba shong ka buit ka bor jong u ban pynduh ia kane ka jingkhañi mraw

Ha kane ka khyllipnat ngi dei ban kynmaw ba u Abraham bad ki kmie ki kpa jong u, wat lada ki long kiba duk, ki long kiba riwblei shibun. U Abraham hi u bang shibun ban pule ia ki kot niam bad khamtam eh ia ka Baibl.

U Abraham Lincoln u la pyrkhat ia ki lad ki lynti baroh ban duh ia ka jingringmraw na ka ri jong u. Um kwah ban don mraw shuh ha ka ri America hi baroh kawei. U pyn-sngewthuh ia ki bried bad u hi u ngeit ba ka long ka bym dei, hood ka long ka pop hi ba u parabried un long u mraw ia u parabried. Hynrei ki traishnong ka South America ki la ieng pyrshah ia kane ka jingthmu, ba bha u Abraham. Ka daw ka long kane: dei ki mraw Negro kiba trei shitom ha ki kper dumasla ha ki kynrad dohlieh jong ki. Bad kine pat da ka jingiatiplem kaba la iap, ki un suk kynjai ki bam bad ki dih sngewbha na ka syep ki mraw Negro. Ka long kaba eh ban pyinkohnguh ia ki da ka ktien, bad imat kumta la bynta ia ka ri America (U.S.A.) ha ki ar-kynhun ki nongialehthma. Ha North America\* ym donkam eh ia ki mraw bad kumta ka long kham suk ia u Abraham Lincoln ban pyinkohnguh ia ki ban pynduh noh ia kane ka kam mraw. Khlem jingartatien u la pyinkhih ia ka ri America baroh kawei, u da pyrta jam ban pynduh ia ka jingringmraw shisyndon. U la jopshibun ki mynsiem bad la don uwei u bried uba kyrteng u John Brown uba la pyrshang ban pyntrei kam ia katei ka jingthmu, hynrei u la shah phasi bad kumta u la iap. Ha ka snem 1833, la seng ha North America ia kawei ka kynhun kaba ki khot ka 'Anti-Slavery Society.' Ka jingthmu kane ka seng

---

\*South and North America—Ka mut ia ki State kiba shathie jong ka U. S. A. bad ym dei ia ka Continent. Kumjuh ruh ia ka North America.

ka long ban ai ka-jinglailuid ia ki mraw baroh kiba don ha ka ri jong ki. Naduh kane ka por haduh ka snem 1860—61, ka khubor ha ka ri America baroh kawel ka la long satang shaphang ki mraw bad ki jingialeh u Abraham Lincoln ban pyllait ia ki.

Ha ka snem 1834 la jied ia u Abraham Lincoln kum u nongmihkhmat na ka State Illinois sha ka dorbar ka ri America. Ha ka Dorbar u la tyngshaiñ kum u khlur, bad ha ka snem 1860 haba u la 52 snem ka rta la jied ia u ban long Nongialam (President) ka ri America. U la long u President uba khad-hynriew ha ka History ka ri America. U long uba jemnud, uba sbun bad uba jai-jai, hynrei uba ka dohnud jong u ka kham eh ban ia u maw-siang hi. U bat la ka ktien, bad ia kaei kaei kaba u la kut jingmut ban leh um ju shong-thait haduh ba un da pyndep.

Hynrei ka khubor kaba sngewsih ka la wan poi ha ki shkor jong u haba katto katne ki State ka South America ki la iakut ban iapra ling noh na ka United State of America kaba kynthup mynta 48 tylli ki State. Ki State jong ka North America ki la ieng pyr-shah ia kane bad ynda haba ym lah ban iapynbeit ha ka ktien la khie ka thma kaba jur kaba ngi tip kum ka Civil War ha ka

12 tarik u bnai April 1861. La ong ba ka jingjop jong ki State North America kan long ruh ha kajuh ka por ka jinglailuid ia ki mraw Negro. Dei kane kaba la pynthnam bha ia ka jingialeh. Ha ka snem 1864 la thung biang ia u Abraham Lincoln ban long u President ka Ri America, bad baroh ki briew ki kheif ia u kum u kpa jong ka ri. Ha u bnai April 1865, kata hadien saw snem ka jingialeh, ki shipai ki State ka South America kim lah kyrshan shuh bad kumta ki la pan iasuk. Ka thma ka la kut, u Abraham Lincoln u la jop. Naduh kata ka por hi haduh mynta la adong ha ka Riti jong ka ri ban ri mraw bad khañ mraw. Ki mraw Negro ki la ioh ka jinglailuid haduh mynta ka sngi hi.

Hynrei ngi sngewsih ban kynmaw. ba ha une u bnai April 1865 la siat da ka suloi ia u Abraham Lincoln ha Washington bad u bapli u la iap ha ka sngi kaba bud. La dum ka bneng bad ka khyndew, ki Negro ki la iam paitdohnud, hynrei ka ktien ka ong, 'u la iap suk'. Ka ri Amerika ka la duh ia u Abraham Lincoln, uwei na ki khlur ba tyng-shaif eh ha ka history jong ka pyrthei haduh mynta hi. U la aiti ia la ka jingim ban pylait ia ki mraw Negro. Ka ri America bad ka pyrthei shityllup ka sngewieit ban ialap bad ka sngewhun ban kynmaw ia ka kyrteng u Abraham Lincoln.



U la don saw ngut ki khun shynrang bad uwei na ki uba kyrteng u Robert Lincoln u la long u bongkit-tien syiem (Ambassador) ha u Bilat (Great Britian). Ia ka iing trep jong u ka Sorkar America ka la pyinkyrapang haduh mynta kum ka dak ka jingkyrmaw ieit bad burom ia ure u 'riewkhraw. Kum ka ryn-ieng, kum ka mynsiem bad kum ki kam, u la long uba jynsur ch bad u la pha la ka jing-im na ka bynta la ka ri. U Abraham Lincoln u la iap hynrei ka kyrteng jong u ka dang im bad kan jaisah kaba kordor ha ka history jong ka pyrthei.

# LYNNONG VIII

## LUCY GRAY

1. Wer wer nga bna i'i Lucy Gray ;  
Bad mynba nga shongkai,  
Dang step phyrngab nga i de te  
Ka khyannah kum ka rngai.
2. Ki lok ki jor, im ju ithuh;  
Iingtrep ba jngai i shong  
I 'tiew iwbihi ba san bad phuh  
Ha kper syntiew rudnong
3. Phin kum iohi ka sier lehse,  
Ka skei ha jaka phlang ;  
Hynrei khmat ieit i Lucy Gray  
Yn ym iohi shuh jlang.
4. "Mynta ka miet kan khie 'erioag,  
Phi shapoh shnong to leit ;  
Khie rah lynten, ko khun kyndong  
Ha ior l'i kmie leit peit "
5. 'Ia kata, Pa ngan leh sngewbha :  
Ka sngi ka sdang ban noh  
Ka dang shu tied te ar kynta  
U bnai utei dang jngoh !"
6. Nangta u kpa u sei waitbnoh,  
U law ki dieng shynram ;  
Katba u trei, i nang leit noh,  
Lynten ha kti i kham.

Ka bthong kan nym kham sting palat ;  
 Thir thir thar thar i phet,  
 Ka ior pum pum de i kynjat  
 Kum tдем ba kiew arted.

8. Shuwa ban poi eriong ka khang,  
 Arsut arted i wad ;  
 La lut ka lum ka wah b'i shang  
 Hynrei im man shem lad.
9. Bad kmie bad kpa shimiet shimiet,  
 Kylleng ki leit pyrta ;  
 Ia jingsawa ki sngap bad khmied  
 Ban kdew lynti shata.
10. La dang ngut ngut ha lum ki teng,  
 Pyntha ba jlan ki peit ;  
 Jingkieng lyntang katai kynrang  
 Shipawa mail ban leit.
11. Ki iam,—sha iing ki wan, ki k'ang:  
 "Ha bneng ngin sa iashem !"  
 Te kum iohi i kmie ba kthang  
 Dienjat ha ior ba jem.
12. Arsut ranab u lum ki leit  
 Ki bud dienjat artad ;  
 Lyngba jingker tiew shiah ki peit  
 Kynroh ki jam palat.
13. Lyngkha madan ki iaid biang biang  
 Dienjat kijuh kijuh,  
 Ter ter ki bud naduh ba sdang :  
 Haduh jingkieng ki iuh.

- 14 Ki bud dienjat, iwei iwei  
 Bad na rudwah rudwah.  
 Hamar shiteng jingkieng, kiwei.  
 Kyndit pat jar ki jah !
- 15 Haduh mynta don jingong te,  
 B'i shu dang im, ki ong,  
 Phin dang iohi 'i Lucy Gray  
 Marwei h'u lum ba iong
16. Halor khohruh khohram i iam,  
 Bad im man kyrtiang dien :  
 I iwai jingrwai, artad i iam,  
 Ba ud ha lyer bunsien
- 

## LYNNONG IX

### KA SNGI

Haba ka miet ka la wai, man ka step ka mih ka sngi. Ngin pyndonkam ben kien shaphang ka sngi ba ka mih bad ka sep : hynrei ki rewestad ki iathuh ia ngi ba ka sngi kan mih bad kam sep ; dei da ka pyrthei pyllun kaba shad sawdong, kumta haba ka bynta jong ka ka phai shaphang ka sngi ngi khot ka mynsngi bad haba ka phai lyndet na ka sngi ngi khot ka mynmiet.

Ka jingjngai jong ka sngi na ka pyrthei ka long antad 930,000 mail. Lada sam thliew na

shiliang sha shiliang kan jrong kumba 8,000 mail, hynrei lada leh kumta ia ka sngi, kata ka thliw kan jrong 8 05,000 mail Ki riewstad ki thew ia ka pyrtnei ha u maw mon, bad ka khia 18X19<sup>22</sup> mon, kata ka mut, buh 18 nangta pyndap 22 tylli ki 0. Ka jingkhia jong ka sngi pat ka long 6X10<sup>28</sup> mon, kata ha u 6 pyndap 28 tylli ki 0 Ha kine ki dak jingkhieñ yn nang khot lak khot klur shuh. Ha ka jingheh, lada khlong ia kaba eh baroh napoh ka sngi ban sah sa tang ka snep, kin ngiam 1,331,000 tylli ki pyrtnei ban thep hapoh jong ka.

Katno ngi sngewkmen haba ka sngi ka mih, namar ka ai jingsyaid ia ngi ha ka por tlang, hynrei ngi da ialade da ka shatri ha ha por lyiur, namar ba jur eh ka jingthang jong ka. Haba sngap, wat haba ka sngi ka don palat 9 klur mail na ngi ka shit haduh katta ban da jan lei haduh katno kan jur ka jingshit! Ba ngin sngewthuh ngin ianujor kumne : Ka jingsyaid ka met u briew ka long kumba 98 *degree* haba u shait u khlaifñ bha; kumta ki ong ki doktor. Lada ka jingshit ka met ka kiew 100 *degree*, kata u briew u pang shit ne khieshoh, ban twad ia ka met jong u ngi lap ba ka la khluid. Haba shet sha, ngi pynkhluid ia ka um, haba ka la shit 221 *degree* la biang ban ber slash, ngi ong ia ka um ba ka la thnam. aba sañ ia ka nar haba ka um hin ha ka jingdiang, lada thew ia ka jingshit ka poi

sha ka -730 *degree* Ianujor ia kine bad ka jingshit ka sngi. Ka jingshit ha ka tmier ne ha ka sla jong ka, long 12720 *degree*. Kata ka mut lada kawang ia ka sngi da u nar, shuwa ba un poi ha ka sngi u la kylla um noh. Nangta shuh shuh ki riewstad ki thew ia ka jingshit ka sngi hamar [ka] jylli jong ka, ki ong ka shit 12,8200,000 *degree*. Pyrkhat shaphang kine baroh, katno sien kan shim por ia ka pyrthei jong ngi lada yn thang noh ia ka da ka sngi? Lada tih da ka thliw ha ka sngi bad bred hangta ia ka pyrthei shuwa ban hap hangta. kan ym sah ei ei shuh. Ka la man lyer da ka jingsaiñ jong ka sngi

Haba khmih lit bniah ia ka sla jong ka sngi da ka Telescope kaba khlaifñ lah ban iohi ia ki dak jingpruid, kiba pynsniew dur ia ka jingphyrnai ba tyngshaiñ jong ka, ki khot ia kine ki Dak Sngi. Ki don na ki kiba kham rit bad don ruh kiba kham heh. Ka kham rben ka jingiong ha ka pdeng bad nangstang ha ki rud Kine ki dak sngi ki shait kylla jaka borabor naduh ka jingheh haduh ka jingbun, bad teng teng ki iasoh lang ar ne lai tylli. Kiba kham heh na kine ki Dak Sngi ki don kumba saw ne san shah ia ka jingheh kane ka pyrthei jong ngi. Dei da kine ki Dak Sngi ba lah ban tip ba ka sngi ruh ka shad saw-dong ialade hi namar 13 sngi shiteng ki paw ki Dak, bad ynda ki la jah hadien 13 sngi shiteng ki paw pat kita

kijuh hi ki dak. Kane ka jingiaikylla ha ka jingpaw kine ki Dak Sngi ka long ka sakhi ba ka sngi ruh ka shad sawdong ia lade hi.

Ki riewstad ki ong ba kine ki Dak Sngi ki dei ki thylliej lyer ding kiba mih na ka sngi kiba klang bad kiba pashat ka jingtyng-shaiñ bad ka jingshit kaba jngai da ki phew hajar mail na ka.

Nalor kane, ki riewstad ki ong ba kine ki Dak Sngi ki shait kylla ha ka jingheh na kawei ka por sha kawei pat, bad da ka jingiaitynjuh bniah ki shem ba ki wan paw khraw eh ha kine ki snem 1917, 1928, 1939 bad 1950, kane ka mut shisien man ka 11 snem. Ha ka por ba kine ki Dak sngi ki khraw eh, don ka jingktah ia ka jingiaid ka *Radio* ba ka pynthut bunsien, ka ktah ia u symbai jingrep ba u khie bha, bad ka jinglong jong u

Ngı kynmaw ba ka *science* kam pat kut ka jingtrei jong ka. Ki riewstad ki dang iai wad ia ki bor kiba phylla kiba don bad kiba trei ha kane ka mariang, ban ioh pyndonkam na ka bynta ka jingbha u briew.

---

## LYNNONG X.

## U MOSES—I.

Hadien kaba iap u Joseph, ki Isreal, da ka jingkyrkhu U Blei ki la shong suk, ki la man riewbha ruh ha Goshen ha ka ri Ijipt bad hangta ki la roi shibun ha ka jingkheĩn de. Hynrei hadien hadien, ka la ngat ka jynjar kaba khraw halor jong ki. U la mih u syiem thymmai ha ka ri Ijipt, u bym shym la ithuh ia u Joseph. Haba ong u "syiem thymmai" ka mut, kawei ipat ka jait syiem bad une u syiem ba thymmai um tip ei ei shaphang u Joseph, namar u la shu wan hiarthma na sha nongwei. Dou kiba tharat ba u dei u *Aahmes* ; kiwei pat ba u long u Remeses II. Une u syiem thymmai lei lei u la bishni shibun ia ki Israel, bad u la sheptieng : lada long thma ioh kine ki Israel kin iashah sha ki nongshun. Namarkata, u la thmu khnang ban pynduh ia ka bor jong ki. Te kumta u la pynlong ia ki mraw jong u, bad u la pyntrei khalasi ia ki ban thaw mawit, ia ka ban tei ia ka shnong jingkyshew. Ha kine ki shnong, ki buh sumar ia ki tiar iapom, lehse lane ki shu kynshew tyngkai ia u kew, ki la tei artylli, ka Pithon hajan ka shnong On, bad ka Rameses shaphang sepngi ka ri Goshen. Kane ka jingpynshitom beĩn ia ki Israel ka la neh kumba shispah snem. Hynrei, la u Pharo u la pyn-



shitom ia katto katne, ki Hebru, ki nangroi ha ka jingkheia. Haba kumta u Pharo u la thaw ka buit runar, bad u la pyrshang ban pynduh ki khun shynrang, naduh ba dang kha, bad u la hukum ban pyniap jyllop ia ki ha ka wah Nile.

Ha kita ki sngi la mih uwei u briew u-ba kyrteing u Moses, uba la lait phylla na ka kti u nong—Ijpt. Da ka jingleh phylla U Blei u la ioh ban leit shong haduh ka iing u Pharo bad la pynsan pynrangbah ia u hangta, bad la ai ha u ruh ia ka jinghikai kaba dei ia u khun syiem hi. Hangta ha iing u Pharo, u Moses u la ioh ia ki kynja jinghikai baroh, katba don ha ka pyrtlei ; bad na la ka kmie ruh u la ioh ia ka jingtip shaphang U Blei bad ki lynti jong U. Te kumta, ynda u la rangbah, kumba sawphew snem ka ita, u Moses u la mih na iing u Pharo ban leit khmih ia la ki para Hebru, ha ka shitom jong ki. Te tang shu mih, u la iohi ia uwei u nong-Ijpt ba u ktah kti ia u Hebru. Ia kata um lah shah, bad u la shoh iap ia uta u nong Ijpt bad u la tep ia u ha shyiap. Te haba la bna ia kata, u la sheptieng bad u la phet iap sha ri Median.

Ka la jia te, ynda u Moses u la poi ha ka ri Midian, u la shong ha iing uwei u briew uba kyrteing u Rowel lane u Jethro uba trei ruh ia kam ka Lyngdoh.

Ynda u Moses u la shong sawphew snem bad u Jethro, u Syiem Ijpt u la iap. Te ki Hebruki la ud ki la lynñar, namar ka jinglongmraw jong ki; bad ka jinglynñiar jong ki ka la kiew sha U Blei. Bad U Blei U la sngew ia ka jingud jong ki, bad U la kynmaw ia la ka jutang bad u Abraham, bad u Isaak, bad u Jakob ruh. Te ha kawei ka sngi, u Moses u la leit lam ia ka kynhun jing- u sha lyndet ka ri khlaw bad u hi u la leit sha u lum U Blei, sha Horeb keiñ U Lum Horeb u don ha ri khlaw Sinai. U Lum Sinai u long shibynta na u Lum Horeb. Hangta u angel U Trai u la mihpaw ha u, ha ka thyllej ding napdeng ka 'lawlynnong; u la khmih, bad u la iohi ia kata ka 'lawlynnong ba kam ing duh. Kane ka 'lawlynnong ba ing ka pyni ia ka jinglong ki Israel ha ri Ijpt. Kim duh noh la ban belfi ia ki katno katno. Te haba u Moses u la phai ban khmih ia kane ka jingipaw kaba khraw, U Blei U la khot ia u napdeng ka 'lawlynnong bad u la ong, "Moses ko Moses" u te u la ong, "Wat wan hajan shane; to da loit noh ia ki khulom jong me na ki sla jat jong me, naba kata ka jaka ha kaba me ieng ka long ka khyndew ba kyntang". "U ong ruh, Nga long ma Nga U Blei U Kpa jong Me, U Blei u Abraham, U Blei u Isaak, bad U Blei u Jakob de" te u la buhrich ia la ka khmat naba u la sheptieng ban khmih ha U Blei.

Bad U Blei u la ong ha u, ba u la iohi ia ka jingshutom ki Isreal bad ba u la sngew ia ka jinglynñiar jong ki, bad ba u wan hiar ban pyllait ia ki Hangta U la ong ha tu Moses. "Ale te namar kata, Ngan phah ia me sha u Pharo, ba men ioh ialam noh ia ki briew jong Nga, ki khun Israel na ri Ijipt.

Ha kaba nyingkong u Moses u la sngew ch ban kohnguh, u ong. "Nga long uei, ba ngan leit sha u Pharo?" U Blei U la jubab "shisha ngan long bad me". "U Moses u la ong" "Haba nga leit sha ki Hebru, bad ba kin kylli ia nga kaei ka kirteng Uta U Blei ngan ong kumno ia ki?" U Blei U iathuh, "NGA LONG BA NGA LONG".

U Moses u ong pat. La nga leit ruh kin ym sngap ia nga" Te U Blei U jubab da kaba u leh artylli ki kambah—(1) U la pynkylla bseñ ia u diengduh, bad u pynkyl- la diengduh pat ia uta u bseñ; (2) U pyn- kylla thohlieh ia ka kti jong u, bad u pyn- bha pat ia ka kumne kumne. U Moses u ong, "Nga long uba thlun ka jingkren", bad U Blei U la jubab, "Ngan long lem ma nga bad ka shyntur jong me, bad nalerkata ruh, u Aaron u hynmen jong me, un long ka shyntur ia me". Ynda kumta, u Moses u la kohnguh; bad ynda u la khublei ia u ~~Jeha~~ u la leit. Ha lynti, u iashem bad u ~~Aaron~~ bad ki la leit baroh argut sha u Pharo bad ki la ong ha u; "U Jehovah U. To pyllait

noh ia u paid jong Nga, ba kin ioh rakhe  
 ia ka jingkhawai niam ia Nga ha ri khlaw"  
 Te U Pharo u la ong ha, u. "Ia U Jehobah  
 ngam ithuh, bad ia ki Israel ngan ym pyllait".  
 Bad ynda u la ong kumta u la hukum ban  
 nangpynshitom shuh shuh ia ki Israel Kumta  
 ki Israel ki la sngewsh sat ia u Moses Hyn  
 rei U Blei U la pynshngaiñ ia u da kaba U  
 kular skhem ban pyllait ia ki Israel, bad pyn-  
 shitom ia u Pharo Ha kane ka por u Moses  
 u la phraphew snem ka rta, bad u Aaron u  
 la phraphew lai. Kumta u Moses bad u Aaron  
 ki ia leit biang sha u Pharo Bad u Aaron  
 u la bret ia u diengduh ha khmat u Pharo  
 bad ki shakri jong u, te u la kylla bseiñ  
 Hāngta u Pharo u la khot ia la ki jong ki  
 nongleh byrtong bad ki ruh ki la leh kumjuh.  
 da ka jingleh myrtor jong ki ; kita ki diengduh  
 jōng ki, ki la kylla bseiñ ; hynrei u diengduh  
 u Aaron u la nguid noh ia kita baroh

Hadjen nangta, haba U Blei U la iohi ba  
 u Pharo u la pynch ia la ka dohnud U la pyn-  
 shitom ia u bad ia ka ri Ijipt baroh kawei da  
 kine ki jingiapkhlam :—

1. La pynkylla snam ia ka um ha ri Ijipt  
 baroh, haduh ba ka la iwtung da ka  
 jingiap ki dohkha bad kiwei ki kynja  
 ba shong hapoh um.
2. La phah ia ki jakoid haduh ba la dap  
 ut la ki um, ia ki Ijng ki sem bad ia ki  
 madan, bad ka ri ka la ijli tang da ki.

3. La phah ia ki jynreiñ ha ka baroh ba kin boi ha ki briew, ki mrad bad ki kynja ba im baroh.
4. La phah ia ki skaiñ bunjait haduh ba la pynsaja khañt bad briew bad mrad.
5. La phah ia ka khlam hapdeng ki jingri haduh ba la iap ym tip shuh bad kulai, bad kada, bad ut, bad masi bad langbrot.
6. La phah da ka jingpang tohjaw ba mih ksuit ha ki mrad.
7. La phah ia u pyrthat, u phria bad ka ding kiba pyniap lut baroh bad briew bad mrad kat kiba ha lum.
8. La phah ki puit kiba la tyllup ia ka ri baroh; kiba la iabam lut ia ka kynja ba jyrngam baroh.
9. La phah ka jingdum tliw tliw lai miet laisngi ha ka ri baroh kawei.

Kine, ki jingpynshutom, ki la jia halor ka ri Ijipt baroh kawei, hynrei ha ka kyntoit ba shong ki Israel ym shem la don, ei ei ruh. Ka khlam kaba shiphew ka long shaphang kaba pyniap ia u khun nyngkong ha ka ri baroh. Ia ka ne ya sa ong kham bniah ha kawei pat ka lynnong,

## LYNNONG XI

## U MOSES—II.

Te, haba U Blei U la pyndap ia ka khlam kaba khatduh halor ki Ijipt, U la leh ia kata ryngkat bad kaba buh ia ka Niam la Jinglait hapdeng ki Israel. Kata ka long kumne :— U Blei U la hukum ia u trai ling baroh, bad shim ia u khun langbrot lane u khun blang uba shisnem ka ita bad uba tlem bha. Ia une u khun blang dei ban shim ha kaba shiphew tarik u bnai Abib (April); un ri saw sngi ia u khnang ba un ioh khmih bha ioh u don jingduna ei ei. Te ha kaba khadsaw tarik janmiet, u trai ling un pyniap ia une u khun blang. Na kata ka snam un shim bad tyllan ha ki baroh arliang ki shawkad bad ha khlieh jing-khang jong ka iing ha kiba ki bam. Ynda kumta, kin syang tylli ia ka doh kin ym bam im, lymne shet, lymne sdieh; bad kin bam ia ka lem bad u kpu ba khlem thiat bad u jhur kthang. Ki dei ban bam lut ia ka, bad lada kim lah ban bam lut ruh, ki dei ban thang noh ha ding. Haba ki bam ruh ki dei ban bam kumne. Ki dei ban panpoh ia la ka syng-kai, ban phong ia la ki juti; bad bat ia la u diengduh ruh ha la ki kti; kata kum ki briew ba la khreh ban leit jingleit; bad ki dei ban bam kyrkieh ia ka de, "namar" ong ka ktien, ka long ka Jinglait jong U Jehobah'. Te ka jingmut ka long kumne. ba U Blei U la ong. "Ngan laid lyngba ka ri Ijipt

ha kane ka miet, bad ngan shoh iap ia u khun nyngkong baroh uba ha ri Ijpt, u jong u briew ruh bad u jong u mrad; te kata ka snam kan long ka dak ia phi ha ki ling ha kiba phi don; haba Nga iohi ia ka snam, Ngan ia id la id ia id palat ia phi." Bunsien ngi iohsngew ba la khot *Jinglait* ia kane namar ba lait ki Israel na ka kti u Pharo, hynrei kam long kumta; la khot *Jinglait* ia ki namar ba ki Israel ki la lait haba U Blei U la pyn-iap ia ka Ijpt. Kane ka la long ka *Jinglait* ka-ba khraw shisha shisha Bad U Blei U la hukum ia ki ba kin rakhe kyntang ia kane, pateng—la pateng. Une u bnai u la long u bnai ba nyngkong ka snem jong ki. Ha kiwei kiwei ki snem ki rakhe ia kane ka jing-khawai-niam hynñiew sngi—naduh khatsaw haduh arphewwei tarik thik u 'nai Abib Baroh ki dei ban bam tang u kpu ba khlem thiat, baroh kine ki sngi; lada bam thiat mano mano, u la iap. Wat ban shem thiat hapoh iing ha kita ki sngi, ym shah. Te haba ki Israel ki la ioh ia kane ka hukum, ki la nguh bad ki la leit pyndep kumba la ong ia ki.

Te shiteng synñia,—haba ki Israel ki la lah bam lah dih, U Blei U la ia id ia ka ri Ijpt baroh, bad U la shoh iap ia u khun nyngkong baroh, naduh u jong u Pharo halor ka khet haduh u jong u mraw ha lingbyndi, bad u jong u mraw ruh. Te ka jingiam briew kaba khraw ka la don ha ri Ijpt, ha kata

ka miet—tang ka lynfiar suda. Te u Pharo u la khot ia u Moses bad u Aaron bad u la ong ia ki. "To ieng, to mih noh napdeng ki briew jong nga, ma phi bad ki khun Israel ruh. Shim ruh ia ki blang ki masi bad to khie noh; to leit noh kyrkieh! Naba ngi la iap lut noh." Kumta ki Israel ki la bah kyndung ia la u kpu im u bym pat khleh thiat.

Bad ki khun Israel ki la iapan na ki Ijipt ia ki jingdeng rupa bad ki jingdeng ksiar bad jaiŋkup jaiŋsem. U Trai U la ai ka jingsngew-bha ia ki ha khmat ki Ijipt; kumta ki la ia ai katba ki iapan.

Kumta ki Israel ki la mih kyrkieh myn-miet bad briew bad mrad—ym shym pynsah wat kawei ka tyrsim ruh em. Ki la don kumba hynriew spah hajar tang ki rangbah i bun u paitkhlich ruh u leit mih noh ryngkat bad ki. Nyngkong ki la mih na Rameses bad ki la leit shisien iaid shaduh Sukkoth, Nangta ki la phai shaphang mihngi, bad ki la poi sha Etham ha kaba sdang ka ri khlaw Arabia hajan kaba ki khot mynta ka Golf of Suez.

Naduh nangta, ki la shu iaid hi khlem nongialam; hynrei nangta U Blei U la mih ban long U Nongialam jong ki, da kaba U long U Rishot Lyoh mynsngi, bad U Rishot Ding mynmiet. U Blei U la hukum ruh da la ka ktien. ba kin phai shaphang shathie; kumta ki la phai sha ka jaka kaba khot



Pihahiroth, hagdeng ka Migdoi bad ka duriaw marpyrshah ia ka Baalsephon. Hangta ki i kumba ki la sabkut, ba ym don lad ba kin lait la kumno kumno. Hynrei ka long tang ka shang khawiah U Blei ban riam ia u pharo. Kumta u pharo haba u la babe ba u la pyllait ia ki Israel, u sdang ban beh nadien jong ki, bad u la lap ia ki ha kane ka jinglong ba subsat. U la don hynriew spah ki kali iapom, bad ki shipai shibun eh. Hangta ki Israel ki la sheptiengshikatdei bad ki la iakren mynthe ha u Moses, ki ong "Dei namar ba ym don ki jingtep ha Ijipt mo, ba me la ring ia ngi ban iap ha ri khlaw kumne ? Ngil la ong ne em ha Ijipt, To ieh ia ngi, ba ngin shakri ia ki Ijipt?" Te u Moses u ong ha ki paidbah, "wat shepteng, shu ieng thik; U Blei un ialam na ka bynta jong phi." Kumta u angel u Trai uba ialam ia Israel, u la kynriah bad u la ieng na shadien jong ki; bad uta u rishot lyoh u la kynriah, bad u la ieng hagdeng ki Israel bad ki Ijipt. Sha ki Ijipt u la long ka jingdum, hynrei sha ki Israel ka long ka jingshai. Ynda kumta U Blei U la ong ha u Moses, "To ong ia ki Israel, ba kin nangiaid shaphrang bad to phiah arhang ia ka." Kumta u la leh u Moses; bad U Blei U la phah ia ka Iyer mihngi kaba jur baroh shimiet haduh ba la rngad ka duriaw. Te ki Israel ki la iaid hagdeng ka duriaw, ha ka dewyngkhiang; ki um ki la long kum ka kynroh na baroh arhang. Te ki Ijipt hi

la beh kynsan, bad syiem bad shipai, bad kulai bad kali hapdeng ka duriaw. Hynrei haba jan shai mynstep, U Blei U la shu khmih ia ki Ijipt. Bad u la pynkulmar ia ki bad u la ong ha u Moses. "Rah ia la ka kti halor ka duriaw". Te u Moses u la rah, bad ki um ka duriaw ki la phai bad ki la tyllep ia u Pharo, bad ia ki briew baroh; kumta ki la iap lut khoit. Kumta U Trai U la pynim ia ki Israel na ka kti ki Ijipt. Te ka jingud bad ka jingkhñium jong ki ka la kylla jingrwai. Lehse na ki met iap jong ki Ijipt ba kine ki Israel ki la ioh la ki tiar iapom bad shibun bah ka ksiar ka rupa kiba ngi shem hadien ba ki ia don.

Kane ka jingrwai risa ba la buh laneng ka long kaba rim eh ha ka pyrthei. La buh ia ka hangne ban pyni rukom ia ka poetri kaba rim. Ngan rwai ha u Jehovah, naba, U la jop donburom eh.

Ia u kulai bad ia ki nongshong kulai U la bret sha ka duriaw.

U Jehovah U long ka bor bad ka jingrwai jong nga.

Bad u la wan long ka jingpynim jong nga;

Une U long U Blei jong nga bad ngan iarah ia U;

U Blei U Kpa jong nga, bad ngan kyntew burom ia U;

U Jehovah U long U Nongialehthma :

U Jehovah long ka kyrteng jong U

Ia ki kali iapom u Pharo bad u pandiapom jong u, U la phyrnop sha ka duriaw;

Ki Kapten ba la jied jong u ki la ngam  
jyllop ha ka Duriaw Basaw.

## 2

Ki jingjylliew ki la tyllep ia ki :  
 Ki la ngam sha ki jingjylliew kum u maw.  
 Ka kti kamon jong Me, Ah Jehobah, kaba  
 donburom ha ka bor.  
 Ka kti kamon jong Me, Ah Jehobah ka lympat  
 donburom ha ka bor  
 Ka kti kamon jong Me, Ah Jehobah ka lympat  
 lwit ia u nongshun.  
 Bad ha ka jingkhraw ka burom jong me pynkyl-  
 lon ia kita kiba ieng ialeh ia Me  
 Me pynmih noh ia la ka jingbhar, te ka bam  
 duh ia ki kum u jyntang kba  
 Bad da ka jingpysad ki thliw khmut jong Me,  
 la pynmalang ia ki um.  
 Ki jingstlei ki la ieng bert kum ki kynton :  
 Ki jingjylliew ki la kylla eh hapdeng ka duriaw  
 Uta u nongshun u la ong :  
 "Ngan beh ngan lap, ngan pyniabynta ia ka  
 jinglute;  
 "Ia ka jingkwah jong nga yn pynhun halor  
 jong ki  
 "Ngan sei ia la ka waitlam. Ka kti jong nga kan  
 pynduh ia ki"  
 "Me la pysad da la ka lyer, ka duriaw ka la  
 tyllep ia ki;  
 Ki la ngam kum ka sisa, ha kita ki um kiba  
 khlaif bor,  
 Uei uba kat ma Me Ah Jehobah hapdeng ki  
 blei ?

Uei uba kat ma Me, Uba donburom ha ka  
jinglailtuid ?

Uba itieng ha ka jingiaroh, uba leh la ki  
jingphylla.

Me la rah ia la ka kti kamon,

Ka khyndew ka la nguid tylli ia ki

Me ha la ka jingisnei, Me la ialam ia uta u  
paidbah uba Me la siewspah;

Me la btin ia ki, ha la ka bor jong Me sha ka  
jaka shong bakhuid jong Me.

Ki kynja bynriew ki la iohsngew, ki la  
khyndiuh :

Kiba suh kynsan ka la kem ia kiba shong ha  
Philistia.

Hangta ki daloi Edom ki la lyngngoh.

Ki radbah ka Moab, ka jingkhyniuh ka la ngat  
ha ki.

Da ka jingkhraw ki ksangti jong Me ki sngap  
kum u maw;

Haduh ban lait shiliang, Ah Jehobah,

Haduh ban lait shiliang, uta u paidbah ba Me la  
siewspah.

Men wallam ia ki shapoh. bad men thung ia ki  
ha uta u lum ka jingioh kynti jong Me.

Kata ka jaka, Ah Jehobah, kaba Me la khreh ha  
lade ban shong duh ?

Kata ka jaka kyntang, Ah Jehobah kaba ki kti  
jong Me ki la pynskhem.

U Jehobah Un synshar ha la ka rta.

## LYNNONG XII

## KUM U KPA KUM U KHUN

U Aleksandar u long u khun jong u Philip. U Syiem jong ka hima Makedonia U Syiem Philip u la synshar kumba 23 snem bad ha kine ki 25 snem u la leh ban ki kam kiba khraw bad ba donburom na ka bynta la ka hima. U long khlem artatien u syiem uba khraw bad ba stad shibun Dei ma u uba la pynkylla ia ka ri Makedonia na ka jinglong ba duk sha ka jinglong ba riewspah. Dei ma u uba la thaw dur thymmai ia ka kynhun shipai Makedonia ba kan long kaba donnam bad ba khraw bor Kum u nongiapom, u Syiem Philip u long uba tbit shibun; u la pyndem ngon ia ki Grik bad mynta u long u Rangbah Shipai ia ki Makedonia bad ia ki Grik ruh kumjuh. Hynrei ha ka snem 536 S.K. u la shah pyniap hapdeng ka jingkhawai shong kurim ka khun jong u hi.

U Aleksandar u la dei ban shimti ia ka kam u kpa jong u da ka jingthmu kaba rangbah, ban kaweh ia ka lama Makedonia kham shajrong bad ban tei mot ia la u kpa baieit, U la kiew khet ha ka snem 324 S.K. haba u dang long tang 20 snem ka rta. Hynrei ngi dei ban kynmaw ba u Aleksandar bad u kpa jong u hi ki long baroh arngut ki 'riewstad ba pawkhmat shibun ha kato ka por. U Aristotle u 'riewstad uba khrawtam ha ka pyrthei haduh kine ki sngi ula long paralok uba iajan bad u Syiem Philip,

bad u long ruh u nonghikai ia u Aleksandar. Ngim dei ban klet ruh ba u Aleksandan u long uba tbit ia kano kano ka kam ruh, kham palat ban ia u parabriew. Kum u Syiem u la leh shibun ki kam na ka bynta ka ri. U la shna bun ki surok bah bad ki surok rit. U la pynieng bun ki nongbah ha bun ki jaka; ka shnong Aleksandria kaba long ka shnong kaba nyngkong eh ban ioh ka skulbah ha ka pyrthei bad kaba khraw haduh kine ki por, ka long ka shnong ba la tei ban pynsah kyrteng ia u Syiem Aleksandar.

Hynrei kaba ngim lah ban klet, ia ka kyrteng syiem Aleksandar, ka long ia ka nam jong u kum uwei na ki Nongialam Shipai bad ki nongiapom kiba khraw tam kiba ka pyrthei ka la pynieng. La ong ba dei ma u na ki Rangbah Shipai, uba nyngkong eh ban pynkhyndiuh ia ka pyrthei baroh kawei. Ka pyrthei mihngi ki nong-Asia bad ka pyrthei sepngi ki nong-Europe ki triem ban ialap ia ka kyrteng jong u. Ngi dei ban kynmaw ba haba u dang long tang 18 snem ka rta, u la long uwei na ki Rangbah Shipai ba pawkhamat u kpa jong u, u Syiem Philip. Ki Grik ki la mane syiem ia u; ka ri Ijipt ka la dem ngon ha ki slajat jong u; ka hima ba khraw ki syiem Persia ka la kyllon ha ka waitlam ba shyrkhei jong u. U la jop ruh ia ka Babilon, Susa bad Persipolis. Nangta pat u la iaid lyngba ia ka ri kaba mynta ngi khor 'Turkestan', bad u la iaid lyngba ia ki lum Hindukush ha ka snem 327 S. K. U la wan poi sha Ri India lyngba ka khyber Pass.

Ha ka snem 526 S.K. ki shipai u Aleksandar ki la jam ia ka wah Indus. U Syiem Takshila u la pyndem khlem jingialeh ; bad ha ka jingshisha, u syiem ka Takshila bad u khun jong u ki la ai ktien ban iarap pynban ia u Aleksandar. Ki khun syiem ka Ri India ki la khaweit bad kiba kham bun hi ki la shu pyndem idong khlem da pynshitom ia u Aleksandar. Hynrei la don uwei u syiem uba kyriat bniat haba u la ioh sngew shaphang kane Une u dei u Poros, hynrei ka waitlam u Aleksandar ka la khlaifi palat ia ka bor jong u, bad kumta u la shah jop. Pynban u Aleksandar u la burom shibun ia u Poros na ka byuta ka mynsiem ba shynrang jong u, kumta ba u da pynphai noh ia ki jaka ki puta baroh kiba u la duh noh To ngin ia sangeh hangne shipor ban bishar ia ka jingshisha. Hato kane kam dei tang ka jingstadbuit u Aleksandar ? Lehse u la kwah ban jop ym tang ia ki jaka ki puta hynrei kumjuh ia ka dohnud bad ka jingreit ki nong India. Ngi dei ban kynmaw ruh ba ka Ri India ha kane ka por ka long ka ri kaba tuid da ka dud bad ka ngap. Lehse u Sylem Aleksandar u la kwah ban shongduh, la kumno kumno, ban shong kham slem ha Ri India ba riwspah. Kumjuh ruh ngi dei ban pyrkhat ia kane kawei ka jingshisha, ba lehse u la kwah ban pynkylla Grik ia ka Ri India jong ngi U Aleksandar u la tur shaphrang. Ka Lama Makedonia ka la kiew shajrong. Hynrei ynda la poi ha ki pud ka wah Bias ki shipai jong u ki la kyrngah ban jam shaphrang. U Aleksandar u pynbor hynrei um lah, bad kumta u la dei ban

kylla dien noh. Ngin dei ban klet ba u Aleksandar u la talaiñ la ka waitlam naduh ka snem 334 S.K bad 11 snem kblem shongthait u la jop kawei ka thma hadien kawei pat. Hynrei ki shipai imat ki la thait bad ki la kwah ban leit noh sha la ka ri. Hynrei wat haba u Aleksandar u la kynran noh kumne, ka ding jong u kam lip 'Ki Malloi bad ki Oksidrakoi, bad baroh kiba pynwit ja ka lynti jong u ki la dei ban marie ha 'ka waitlam ba donbor jong u U' la laid lyngba ja ka ri shyiap 'Baluchistan bad 'u la poi ha Susa kaba ha 'Persia ha u bnai May 324 S.K Ka khiesboh ba jur bad ki jingshah shitom bun rukom ki la ktah jur ia ka met jong u bad ha u bnaf June 326 S.K u syiem Aleksandar Bakhraw u la iap 'ha Bab'lon' haba u long tang 32 snem ka rta.

Pyrkhat keiñ ia ka jingkhrawbor jong u, ba tang ha ki 11 snem u la pynshyrkhei ia ka pyrthei hi baroh kawei. Hato um long mo uta u shakri ba shisha ka hima Makedonia ? u la pyndonkam ia la ka ri, u la kyntiew nam ia la ka jaitbynriew, u la pynsah kyrteng ia la ka longrynieng bad u la tej mot ia la u kpa, u Syiem Philip.


Shuwa ban kut ngi dei ban kynmaw ba ka kyrteng Aleksandar ka shong shibun eh ha ka nam bad ki kam bakbraw u kpa jong u, namar dei u Syiem Philip uba la mait lynti bad ai mynsiem ia la u khun ban laid shaphrang ban ka weh ia ka lama Makedonia shajrong. Ki kraie



ki kpa jong ngi ki lah ban long ki bym don ei ei  
 hynrei ngi lah, lada ngi mon ban long ki Aleksan-  
 dar bakhraw ha la ka bynta bynta ha ka jingim  
 jong ngi ha kane ka pyrthei. Ngi dei nyingkong  
 eh ban kut jingmut bad im sngi ia kane ka  
 jingthmu ba bha Kam long kaba jngai na  
 ka jingshisha ba lada ngi pyrshang bad iai pyr-  
 shang ngin jop hi ha kaba khadduh.

### LYNNONG XIII

#### KI SKEI BAD KI JAKOID



Ka la khle eriong kaba jur ha khlaw, bad  
 ki la khiih ki dieng bad ki bniap, bad ki sla  
 dieng ki la riew saw saw. Te ki skei kiba hanga  
 ki la sheptieng haduh ba ki la shyrkhei rem,  
 bad ki la phetiap noh katba kynduh. Ki la

jakut lang ruh ba kin wad da kawei pat ka  
jaka kaba kham suk, bad lada ym ioh, ba  
kin pyniap noh ia lade. Kumta ki la iamareh  
katba lah, hynrei haba ki la poi ha kawei  
ka wah, kim lah ryngkang ia ka; hangta ki  
la sngewbuhkhoh shibun haduh ba kim lah  
shah shuh.

Kumta ki la mut ban noh khongpong sha  
wah bad ban iap noh syndon, ki da ong.  
"Ban ia ka ban shitom kumne suk kaba iap."  
Hynrei haba ki la poi harud wah, ki jakoid  
kiba nang shongkai hangta ha u phlang, namar  
ba ki sheptieng shibun, ki rysied kulmar noh  
hapoh um.

Hangta te kawei ka skei rymmen ka la  
pyrta ia ki lok, bad ka la ong kumne. "Ha  
sngap phim iohi ba hangne ki don kiwei pat  
ki mrad kiba la shem shitom kumjuh kumba  
shem ma ngi. To ngin ym iathara: shuh ba  
tang ma ngi kiba shem jynjar ha kane ka  
pyrthei! hynrei ngin bud rukom na kine, bad  
ngin hikai ban shah lui lui ia ka jynjar kaba  
U Blei U la buh halor jong ngi.

**KA JINGSNENG :—***Wat ju tharai ba ka shi-  
tom jong phi ka kham khrav ia ka jong kiwei. Bad  
lada kiwei ki lah ban shah, balei phi phim lah?*

2. *Ka jynjar jong phi bunsien ka long tang  
kaba phi ki phi thaw. Shisha ka sla dieng ka  
khih khyndiat, hynrei phin pyniap noh ia lade  
namarkata, (mo?)*

## LYNNONG XIV

## KABA TEP I'U MOSES.

1. Ha syndah lum Nebo ba marwei,  
     Don hangta, sha shiliang ka wah,  
     Hy them ka ri Moab, ka jingtep  
     Ba phylla, tang marwei ka sah,  
     U briew um ithuh i'u mawjingtep,  
     Ka khmat briew kam shym iohi ;  
     Ka jingtep ba tih da ki angel,  
     I'u ba iap ki la tep ma ki hi.
2. Ka ontep khraw burom kat kata,  
     Ha khmat ka khyndew ym ju don :  
     Ban sngew ka jingjam ym shym iohsngew,  
     Lymne i i'u paidbah leit on.  
     Kumba sngap ka step phyrngap mynhyne,  
     Haba lut ka jingdum jong ka miet,  
     Kumba ka pruit byrsaw ka sahit,  
     Ban long ka jingphalang khlem tied.
3. Ka thain ka Pyrem haba jar jar,  
     Ka jyrngam ban deng kum ka syiem,  
     Dei jar jar dieng de ki shylluot,  
     Ki sei ruh ki sla kiba im :  
     Bad kuinta, khlem sawa ka jingtem,  
     Kim iam ruh kynthei ba iambriew.  
     Ki angel na ki kliar lum Nebo,  
     Ki bah, da sngap jar la u briew.
4. 'Sha lehse u pukni ba tymmen,  
     Ba shong halor lum marwei hi,  
     Ha ranab ba haneng Bethpeor,  
     U peit da sngewlyngngoh ban i.

'Sha lehse u sing ba iaid runar,  
 U tieng ban iaid nangta l'u iaw ;  
 Ka mrad toi ka iohsngew, ka sbemphang  
 Ia kaba h'u briew ym shym paw.

5. Ban tep ia u rangbah ka thma,  
 Ki para ba ryngkat ki lok,  
 Da pyrshah ki buh ia ki tiar,  
 Ki bud ki pyndep ia ka hok,  
 Ki thma b'la ksan ki pynbna,  
 Ki lama b'la knieh u briew,  
 Bud nadien ruh, khmih, u kulai,  
 Ki tup pynpaw burom ki riew.
  
6. I'u kynja 'riewstad ngi pynthiah,  
 Ngi buh bad 'riewkhrav ha pyrthei ;  
 I'u *poet* ngi ju pyndonburom,  
 U mot d'u maw marbl ngi tei :  
 Ngi buh ia ki ha ki iingmane,  
 Ngi fiew kumba palat i'u briew  
 Ngi tem bad ngi put pyndonburom,  
 Jingkynud ki briew ruh ki kiew.
  
7. Ah ! hangno phin shem nongiapom te,  
 Bad une ban pyrshang ka bor ;  
 Kat une phim shem ia u *poet*  
 U sei jingmut Blei kiba kor  
 Ngim shem u 'riewstad hangno hangno,  
 Ban thoh ha ka sla bym ju iap,  
 Jingshisha ba jylliew jong U Blei,  
 Kum une te shisha ngim lap

8. U ioh te, ne um shym ioh burom.  
 Ka ranab lum Nebo ban tap ?  
 Ia ka synduk, ba bah da ki Angel,  
 Ki khlur ba meh tyngshaiñ ki ap ;  
 Ki kseh kiba jrong ki kohnguh,  
 Ki kaweh ki burom ka krong,  
 Ka Kti U Blei hi ka la sumar,  
 Ka burom kat kane u phong.
- 

## LYNNONG XV

### U TIROT SINGH U SYIEM JONG KA HIMA NONGKHLAW

#### BYNTA I

U Tirot Singh u la long u khun jong ka Ksan Syiemlieh, na ka iing jong ka Shahphlang Syiemlieh, ka para u Shahjer Sylemliet, kiba la wan na Sutnga—na Jaiñtia Hills. U kpa jong u u long u Kheñ Kongor na ka jait Nongkynrih. U Tirot Singh u la don kti ka-diang kaba lam dkoh kumba khyrwait khyn-dot na neng ryndang kti, naduh ba u dang khynnah Hyurei u la long uba shait ba khlaiñ bad uba smat ba sting. U lah da kaba jem ban wat ryntieh bad ban siat khnam kum ki para samla baroh. U lah ruh ban rah wat ia ka 'tiehba. U don ka rynieng ryniot kaba biang bad uba i khlaiñ i ksah mlan na khlieh ha kjat. U long ruh uba mihkhmut mihkhmat bad uba shai sniehdoh.

U Tirot Singh u la long syiem kumba ha ka snem 1814 hadien ka jingiap u kfi jong u u Haiñ Singh u para u Ram Singh. Haba U Tirot Singh u long syiem u dang long dang kumba 10 ne 12 snem ka rta. Kumta ia ka hima Nongkhlaw la pyniaid da ki myntu bad ka dorba katba u dang khynnah.

Hadien 10 ne 12 snem U Tirot Singh u sa shimti ia ka jingpyniaid ia ka hima ha la ka jong ka kti. U la thung ia u kpa jong u, u Kheñ Kongor, kum uwei na ki rangbah shipai, ia u Monbhut kum u rangbah shipai ba rangbah duh bad ia u Lorschon Jarain kum u nongpyniaid hima.

Ha ka por ka jugsdang ka jingsynshar u Tirot Singh, shuwa ka jingwan ki phareng, ka hima ka don ka jingsuk jingsaiñ na ka liang ki kur bad na ka liang ki paidbah. Ka Ri Khasi Jaiñtia ruh ka don ka jingia-shongsuk shongsain bad ha ka jingiatylli. Ym shym la don thma ne jingialeh hapdeng para-syiem.

Hynrei ynda la jop ia ka Lower Assam ha ka snem 1814 u Sahep David Scott, lane u Iskat Sahep, kumba ong ki Khasi, u Agent ba nyngkong eh jong ka Sorkar British ha Assam uba don ka khmat ba shalak bad ka jabieng ba nep, u la pyrkhat bad thaw suok ban pyniasoh ia ka Rithor Assam bad ka Ri Thor Syllhet lyngba ki Lum Khasi khnang ban suk ka leit ka wan.

U David Scott u la pyrshang ban iatehlok bad u Tirot Singh, u Syiem Nongkhlaw bad kiwei de ki Syiem Khasi. Ka jinglehrit bad ka akor u Sahep David Scott ha khmat ki syiem bad ka jinglehieit jong u ia ki paidrit paidria ka la pynjem ia ka dohnud u Syiem Tirot Singh bad kiba ha iing ha sem jong u —khamtam ia ka Ksan Syiem ka kmie u Tirot Singh. U tip ruh ha ka Ksan Syiem ka long ka Syiem Sad kaba bat ia ka bor bad ia ka niam ka Hima U Sahep David Scott u la pyni ka jinglehieit ia u Tirot Singh bad ia kiba ha iing jong u da kaba ai pat ha ki ia ka Borduar, ka bynta jong ka Hima Nongkhlaw kaba dei sha Ri Thor Kamrup, kaba ki la duh ha ka thma Assam. Haba kane ka jingialanglok u David Scott bad ki syiem Nongkhlaw ka la par pain u Sahep David Scott u la pan jaka na u syiem ban thaw iing shongpynggad ha Nongkhlaw, bad u syiem ruh u la shah. Ha ka por shit u Major Sahep u la wan sah pynggad ha Nongkhlaw U burom shibun ia u Tirot Singh. Hadien u David Scott u la ithuh ruh ia kiwei pat ki Syiem Khasi Ha kaba khatduh u la kyrpad ban shah ban pom surok na Kamrup sha Sylhet lyngba ki Ri Lum Khasi. U Tirot Singh ruh u la kohnguh ban shah. Kumta ha ka snem 1826 u Syiem Tirot Singh u la pynlong ka jingiateh kular bad u David Scott (Treaty No. LXXXIV). Ha kane ka jingiateh kular U Sahep David Scott u la teh ba ka Sorkar Phareng kan iarap iada ia ka Hima Nongkhlaw. U Tirot Singh ruh u la mynjur ban shah ban

thaw lynti na ka Hima jong u bad ban pyndap ka tiar ka tar kaba donkam na ka bynta ka lynti. U la iateh ruh ban iarap ia ka Sorkar Phareng haba don kiba ia leh pyrshah.

Ynda haba la sdang ia ka surok ki Survey Party ryngkat bad ki shipai Pyrton ki la wan poi ha Nongkhlaw. Ki la pynlong jaka shong (Head Quater) ha Nongkhlaw. Ki la pynlong ka lynti kaba rit na Kamrup sha Nongkhlaw. Na Nongkhlaw pat ki la thaw ka lynti iyangba ka Sohiong, Mawphlang, Sohrarim, Sohra Sohar, Tharia, Companyganj sha Svlhet.

Haba la pyndep ia ka surok bun ki shipai kiba hapoh ki Phareng bad ki Sahep Pyrton ki la wan poi sha Nongkhlaw bad ki la sdang ban pynpaw ia ka bor Sorkar Phareng da kaba leh jop ia ki Khasi. Ka jingleh be jor ia ki kynthei samla bad ia ki kynthei ba la shongkurim da ki Ophisar samla bad da ki shipai kumjuh, ka la pynbitar ia ki Khadsawphra. Ki Khasi ki la mudui bunsien, hynrei khlem jingmynloi. Ym don ba lah ban synshar ia ki. Ka Jong haduh katta ba ki kynthei kin leit iew leit hat ruh kim nud shuh. Kumta u Tirot Singh Syiem u la khie dom bad khie bitar. U la iohi ia la ka jingbieij ba u la shah ia u David Scott ban thaw surok.

Kumta u la ialok bad kiwei pat ki para syiem u syiem Lyngkyrdem, u syiem Myllem, u Syiem Myriaw, u Syiem Rambrai, u Syiem



Maharam, u Syiem Mawsynram, u Syiem Bhowal, u Syiem Dwara Nongtyrnem, u Syiem Malai Sohmat, Shella, Sohbar bad Wahlong bad ki la iapyrkhat lang kumno ban beh noh ia ki Phareng na Ri Khasi.

U Major Sahep u la iohsngew wer wer ba ki Khasi ki la sngewsih bad ki la iakhih. Hynrei um tip haduh katno kan poi. Na Guwahati u la leit sha Nongkhlaw ban sngewthuh shal da lade hi haduh katno ka jingkhieh ka jur. Ka Ksan Syiem ka la iohsngew ba u David Scott Sahep u la wan poi bad ka la sngewsih ba ich un shah pyniap lang. Ka la phah ia kawet ka shakri kynthei ban leit khot jar jar ia u Sahep David Scott. U Major Sahep mar kumta hi u leit bran bran sha ka Syiem. Haba u la poi ba ting ka Syiem u la iphylla ba ka ap marwei. U la ai khublei ia ka Syiem Bad u la kylli balei ka phah khot ia u. Ka Syiem ka la ong. 'Ah kvnrad, nga kwah ba phin lait im. Phi long u briew uba bha bad uba shuda; hynrei ba phin shu iap lang bad kiba nua; ngam kwah. Kumne u khun jong nga, u Tnot Singh, un pyniap baroh Phim bit ban pynslem. To phet kloi ban lait im.' U David Scott u la khrei mar mar u la shong halor u kulan jong bad u la phet sha Mawphlang. Ki Khadsawphra ki la beh nadien jong u bad ki la jan lap ia u, hynrei la pynrieh ia u ha Mawphlang.

Dei ha ka 15 tarik u bnai May, 1829, ba ki Khasi ki la sdang ban khieh pyrsah ban beh

ia ki Phareng. Ia kane ka jingkhiah la khot "ka jingpyniap ha Nongkhlaw." Ha Nongkhlaw hi ki la pyniap 60 ngut ki shipai jong ki Phareng, arngut ki Sahep Pyrton, u Lieut-Bedingfield bad u Lieut. Bourton. Ia u Dr. Bedon bad ia bun kiwei pat ki shipai la pyniap ha kiwei pat ki jaka. Ki Khasi ki la thang ia ka bangla u Sahep David Scott, ki la pyllait ia ki koidi ba la pynrei ha surok bad ki la leit beh sha Sohra ban wad ia u David Scott. U mon Bhut u la long u nongialam ki Khadsawphra. U long u briew uba stad bad uba khlaif, ban mareh. Khadsawphra kin jin da la lap ia u David Scott lynda la pynieh ia u ha Mawphlang. Na Mawphlang u Lyngdoh Mawphlang, u Dor Singh u la phah on ia u David Scott sha Sohra bad u la pynieh ia u hangta pat ha ling u Dewan Singh uba long syiem ha Sohra ha kata ka por. Na Sohra u David Scott u la phah jingiarap na Sylhet.

Kane ka long ka jingsdang ka jingia-ialeh. La bna kylleng ka ri ia ka jingjop ba nyngkong jong ki Khadsawphra. Da ki hajar ki Khasi ki la khiah ban ialeh. U Gait bad Mackenzie, ki nongthoh history ki ong ba ka long "ka jingpyniap ba runar"—"kaba long tang ka jingkhiah bitar kysan ki riengkhlaw" Hynrei kane ka jingjia ka long shibynta na ka jingpyrkhat ban beh noh ia ki Phareng. Ka daw tynrai jong ka jingkhiah ki Khasi ka long ka jingsngew pyrshah kaba jur kaba baroh

u Khasi u don ia ka jingleh donbor bad ka jinglehjop ki nongwei bad kane ka la pynpluh ia ka Ri Khasi baroh kawei.

Ka buit pyniaid ia ki rukom ialeh ka long kaba rynth bad ka pynpaw ia ka sap pyniaid kam kaba khraw ha ka liang ki syiem Khasi. U Bormanik, u syiem ka Hima Myllem, u la ap ia ka dwar phang Assam bad u Tirot Singh u la ap hi ia ka duar phang Sylhet, khnang ban khang ia ka jingwan ka bam ka dih bad ka jingwan shipai thynmai na Bengal bad na Sylhet. Baroh kiba la san bad kynthet, bad shynrang ki la bat la ka wait la ka stieh, la ka rynthet la u khnam. Bun ki kynthet Khadsawphra bad ki kynthet Bhoi ki la pyniap bun ki Dkhar bad don reh kiba la iap lang bad ki nongshun. Kawei ka kynthet kaba kyrteng ka Phan Nonglait, ka briew kaba bhabriew bad kaba heh sawkyrang bad kaba jrong ka rynthet rynthet, katba ki shipai ki dang ia bam jingbam haruh ka wah Khawa, ka la leh mynleh kheit kynthet. Ki shipai, haba ki la iohi ia ka kynthet kim don jingsuba ei ei, ki la bam la ka jingbam bad ki la pynieng la ka suloi kham ha pajih. Kata ka briew ka la shim sor ia ki suloi bad ka la bret shapoh wah ha ka jaka maw ha long thlong. Ki shipai, ynda kim iohi ia ki suloi ka la beh ia kata ka briew Hynrei kata ka briew ka la pyrtia ia ki rangbah iapom kiba la ap rieh lypa bad ki la pyniap ia kita ki shipai.

Nyngkong eh ki Khasi ki la pyntwa ia ka surok ba la thaw da u David Scott, khnang ba ki shipai kin ym lait iaid. Nangta ki la pakhang da ki dieng bad ki maw kiba heh ; ki la shna ruh ki jingker da ki dieng bad ki siej kiba nep ba la pynskhem ha khyn-dew bad ki ia pyntwa ia ki jingkieng.

U Tirot Singh um shym shaniah tang ha lade. Ka jingpyrkhat jong u ki long kiba iar ha kaba u thmu ban beh ia ki phareng U la phah nonglam khubor sha u Raja Chandra Kanta, u syiem Assam, sha ki Bhut bad ki Singpho ruh U la pynkhih ia u Raja Chandra Kanta ban ialeh ia ki Phareng; u la phah ia ki nongsyntiat sha Guwahati bad sha kiwei kiwei de ki jaka ban tip ia ka bor jong ki Phareng

Ha kaba sdang ki jingialeh, ki phareng ki la lyngngoh. Baroh kawei ka Assam hi ka la khih. Lada ki Phareng ki la leh bakla tang khyndiat ka Ri Assam hi baroh kawei ka la ialeh pyrshah ia ki. Na ka liang Assam hi, ym shym lah ban phah jingiarap. U David Scott u la donbok ba u la ioh jingiarap na Sylhet. U Capt. Lister u la kiew ha Sobra bad ki kynhun shipai bad u la pyllait im ia u David Scott bad ia ki briew jong u.

---

## LYNNONG XVI

U TIROT SINGH U SYIEM JONG KA HIMA  
NONGKHLAW

## KA BYNTA II

Ka dorbar Phareng ha Calcutta, haba ka la iohsngew ia kane ka jingjia ba shyrkhei ha Nongkhlaw, ka la ai bor ia u Agent ba un leh katba lah ban pyndem ia kine ki syiem rit. Ia u Tirot Singh la pynmih hukum ban leh ia u kum ia u nongpyniap briew, u riewkhlaw ba thrangsnam" uba dei ban shah pyniap. Ka Sorkar Phareng ha Bengal ka la hiewsting ia ka bor kine ki Syiem rit, kam shym pyrkhat ba ha kawei ka sngi ka ladei bau phah da u nongmihkhmat jong ka Sorkar Phareng ba donbor ban leit iashem ia uta u riewkhrav thrang snam ba phong jaiñ tang dep ban iakren iasuk bad u.

Ki Phareng ki iaknieh ia ki jaka ba ki la buhai ia ki Ki la thang ia ki bun ki shnong La pynbna ban ai buskit ia ki rangbah nongialeh pyrshah Ka thma ka la nangjur ha baroh arhang. Ki rangbah shipai u Tirot Singh, u Lorshon Jaraiñ, u Kheñ Kongor bad u Monbhut uba donnam eh na ki, haba ki i ba ym lah ban ialeh pyrshah bad ki shipai ka Sorkar Phareng kiba la hikai bha bad ba la biang ki tiar ki tar, ki la sdang noh da ka thma kaikhlaw, kaba la pynshaiong ia ki shipai Sorkar. La don ki jingialeh kiba

jur eh ki jingialeh ki la long ha Nongkhlaw Pamkhar, Mawkynbat bad ha Umshlan.

Ha ka snem 1829 u David Scott u la tyrwa iasuk, hynrei u Tirot Singh um treh iasuk.

U David Scott u la iap ha ka snem 1831, ha ka snem kaba lai ka jingialeh. U Sahep Robertson u la shinti ia ka kam u David Scott ha Assam bad u la kut jingmut ban pynkut noh ia kane "ka jingialeh ba suhsat" Lyngba u Singh Manik, u Syiem Lyngkyrdem, u Sahep Robertson u la phah ktien bunsien sha u Tirot Singh. Ha kane ka por u Tirot Singh u la don ha ka jaka rich jong u ha kawei ka krem hajan u lum Diengiei ha Nongshyngiar. Ia kane ka krem la khot haduh myn-  
ta "Ka Krem Tirot" Ha kaba khatduh la phah ia ki uongmihkhmat ka Sorkar Phareng bad la aibor ban iakren pynbeit bad u Tirot Singh ia ka por bad ka jaka ba la buh. Kumta ha ka 23 tarik u bnat August 1832, la pynbua ba kan don ka jingsangeh ban ialeh. U Capt. Lister bad u Capt Ruderford kum ki mihkhmat ka Sorkar Phareng, ki la iakynduh bad u Tirot Singh Syiem, ban pyrkhath bad batai ia kaba kum kane ka jingiakynduh ba sah jingkynduh, tang u khulom ba nep jong ki riewstad uba lah ban batai.

Ia u Tirot Singh bad ki myntri jong u la tyrwa ki jingtyrwa kiba la sngewbynnud ban

kyntait. Hynrei u Tirot Singh u long u briew uba eh ban pynkohnguh bad um long u briew uba phi lah ban thied da ki kular. U la dawa pyrshah ba dei ban pynduh ia ka surok kaba laid lyngba ka hima jong u bad ba dei ban pynphai noh ia ki jaka jong u baroh. Namar vm shym aibor ia ki mihkhamat ban iakren shaphang kine ki kam, ki mamla ki la shu iapra noh kumto khlem iakut ei ei.

Nangta ka Sorkar Phareng ka la leh buit da kaba khroh bad thong ia ki nongbud u Tirot Singh bad ka la pyrshang iathoh ka jingiatehkular kaba kyrpang kbuang "ba kin iehnoh ia u Tirot Singh marwei". Hynrei kam shym lah ban leh ei ei namar ki nongbud u Tirot Singh kim treh dait ia unc u wieh halor u khwar hapoh.

U Sahep Robertson namar u iohi ba um lah iakren iasuk "u la khang khak ia ka leit ka wan, ka khafi ka pateng sha ri dkhar" bad u la khreh ban shu kerkut baroh sawdong bad ban kem ia kine ki nongialeh pyrshah Hynrei don na ki Dkhar Assamia ha Borduar, kiba dang burom syiem bha ia u Tirot Singh ki la wallam khaw bad jingbam jingdih ban bsa ia u bad ia ki nongbud jong u namar ka rep ka riang ha ka ri Khasi ha kita ki snem kam thikpa shuh. Na kine ki Khar Assamia kiba la iarap ia u Tirot Singh ki long u Pooli Phukan, u Muniram Dean bad kiwei.

Da ka jingsngewnguh ba ka Sorkar Phareng ka kwah ban dang iakren iasuk pat sa shisien u Tirot Singh ha ka 13 tarik u January, 1833 u la mih na la ka jakarieh ban iakynduh bad ki mihkhmat ka Sorkar Phareng, hynrei khlem jing-khmihlynti ei ei la shu kem ia u ha Lum Ma-dieng hajan Lum Diengiei. U Tirot Singh u la iam haba la kem ia u na ka bynta ka Hima bad ka Ri. Shuwa ban leit lam ia u sha Guwahati u la kyrpad ia ki phareng ba kin khmih bad synshar bha ia ka Hima jong u. U Political Agent u la rai ban pynryngkang ia u sha Tena-serim hynrei ka Sorkar Bengal ka la pynkylla ia kane ka rai u Political Agent bad la phah ia u sha Dacca. Ia ka Hima jong u la mih ha u pyrsa jong u Rijon Singh.


Haba u Tirot Singh u la poi ha Dacca une u Syiem Khasi uba pli um don ei ei bad u tang ka blanket ba u kup mynmiet. Nyngkong la set ia u ha phatok paidbah, hynrei hadien la ai da ka ling kaba kyrpang bad la ai haibam ia u T. 63/- (hynriewphew lai ryugka) shibnai. La ai ia u arngut ki shakri. La ong ba uwei na kine ki shakri u dei u Synteng u para-koidi na Jaintia Hills ba la set da ka Sorkar Phareng na ki daw hima sima. Dei ha une u briew ba u Tirot Singh u la ong ia kine ki ktien ba khatduh shuwa ba un iap: "Ynda phi leit phai sha la ka ri iathuh ia ki para ri jong nga ba u Tirot Singh u iap kum u Syiem." Ha kajuh ka rukom u la jubab ia ki phareng haba



la khot pat ia u ban long Syiem bad ban kohnguh ia ka Sorkar Phareng u ong, "Lah kaba iap kum u paidkar ban ia ka ban im kum u Syiem mraw".

Kumta une u Syiem Khasi laitluid ba khatduh u la pynlut ia la ki sngl ha ka phatok ka-ba marwei haduh ba ka jingiap kan da pynkut noh ia ka jingim ba suhsat jong u ha ka 19 tarik u March 1834. Kumne ka kut ka jingim ba shlur tam jong u Tirot Singh uba la ieit ia la ka ri ha ki lngai bymtip jong ka History. Wat u Sahep David Scott hi uba ia-lehpyrshah bad u u iaroh shlbun eh ia ka mynsiem ieit ri jong une u Syiem. Uwei na ki rangbah shipai ki Phareng uba la ialeh ia u Tirot u la ong, "Lada baroh ki Syiem Khasi ki la iasoh lang ha kane ka jingialeh kaba la long kylleng ka ri, kaba la sdang na ka jingpyniap ha Nongkhlaw, kan jin da la long kaba eh ia ka Ri lum Khasi".

Mynta la 153 snem tam u Tirot Singh u la thiah hapoh ki lngai ka jingbymtip hynrei ka History kam ju klet ialade. Don ka por ba ka History ka kyrslew pat ialade. Kumta ka la long bad u Tirot Singh. Ka Hima Nongkhlaw kam shym klet ia la u Syiem uba la aiti ia ka jingim na ka bynta jong ka bad na ka bynta la ka Ri. Ha ka 15 tarik u bnai December, 1956 u Governor ka Assam, u Shri Jairam Das Daulatram ryngkat bad u



Chief Minister ka Assam, Sbri Bishnuram Medhi, ki la wan seng ia ka nongrim u mot jingkyrmaw ia u Tirot Singh ha Mairang ha la pynkbreh ban tei da ka Hima Nongkhlaw hi. Bad ha ka sngilyngkhub snem ka jingiap u Tirot Singh ba dap 120 snem, ha ka 29 tarik u March, 1954, u Governor jong ka Assam u la wan pat ban plic ia une u Mot Jingkyrmaw uba la tei ha kawei ka madan kaba heh kaba la ker baroh sawdong. Ia u Mot hi la ker baroh sawdong da ka jingker dew-bilat ba skhem ba la ohshrong bad ba la pynmih ruh ka ryndan kaba phai khmat sha

kata ka madan ha la ker Ia kane ka madan la thaw khnang na ka bynta ki nongiaid-kai pyngngad bad na ka bynta ki jingialang paitbah. Halor une u Mot la don artylli ki jingthoh : Kawei ka long ka jingthoh ha ka ktien Phareng shaphang kaba buh ia u Mot Nongrim da u Governor ka Assam, kawei pat ha ka ktien Khasi kaba long kumne :—

KA JINGKYNMAW BUROM  
IA U TIROT SINGH

U SYIEM JONG KA HIMA NONGKHLAW  
UBA LA AI LA KA JINGIM NA KA BYN-  
TA KI KHUN KI HAJAR BAD LA KA RI  
U LA IAP HAPOH KA BYNDI HA DACCA  
HA KA 29TH MARCH, 1834.

“Kane ka dei ka Ri jong nga,  
Ka Ri Umsnam u Kñi u Kpa”.

Ka Hima Nongkhlaw ka la pyni ka nuksa  
ba bha ha kaba ka la nang ban burom ia la  
ki nongialam. Ai ba kane kan long ruh ka  
nuksa ia ka Ri baroh kawei.

---

## LYNNONG XVII

## U KPA KA JINGSTAD SAIANS.

Uwei na ki 'riewstad ba pawnam tam jong ki Grik ha ka liang jingstad saians u la long u Archimedes. Une u la long u nongkheifi jingkheifi uba stad shibun. U la im ha ka snem 287, 212 S K. hadfen u Alexander Bakhraw. La ju don bun ki jinglathuhkhana kiba sngewtynnad shaphang une u riewstad ba pawnam Ia ka jingstad ba u shem ha kata ka por la dang pule minot wat haduh kine ki sngi.

Ha kawei ka thma pyrshah ia la ki nongshun, u la shna ia ki kor ki bor kiba heh halor u mawsiang. Da ki mawbah kiba heh u pynkawang na ryngkew da ki kor bad la pynngam ia ki lieng lapom kiba ia id harud duriaw. Ha kawei pat ka por thma u la pynieng da ka iit ka ba palat shiryenieng briew. Kine ki iit ki long dur pyllun bad khun hapoh syriem kum ki knup bah. U pynphalang na kita ki iit ha ka jingtyngshaiifi ka sngi. Kata ka jingphalang ka kylla rit bad khlaifi bha namar ba don ki lieng lama. Ki lama ki kem ding shaid bad ki lieng ki pluh lut kdar. Kata ka pynlyngngoh shibun ia ki nongkinglieng. Ki ngeit ba dei ka ding soitan ne bor ksuid.

U Archimedes u stad eh ha ka rukom shna kor shna bor. U nang ban pyndonkam ia ki shalyngka ban khyllie wat ia ki maw bah mawsan. Haba kylli ia u shisien kumno u

lah ban leh, u la jubab, "Ai jaka ia nga tang ban ieng halor ka pyrthei, bad nga lah ban khyl-luh pyinkhieh ia ka pyrthei baroh kawei.

Shisien u Syiem Syracuse u la suba ba ka pansngiat ksiar ba u phah shna ha u bania ka duna ksiar paka nylla ha ka. U la ai ia ka pansngiat ha u Archimedes ba uu phah tem ia ka jingshisha, lynda kumta un hap jingpynsaja kaba jur. U Archimedes u la thangiong ngaiñ, um lah kren briew shuh.

Katba u dang pyrkhath duriap ia kane, ha kawei ka sngi u la march ban leit sum ha pung ba ia sum lang paidbah. Katba ka pung ka shlei miai haduh rymming, u tang shu ryngkoh pum hapoh um, phur mih ka um shabar. U kyndit thret bad u pyrkhath tiaw. Hangta joit u ieng nangta, bad bak bak u her sha surok shnong u da pyrta artad "Eureka Eureka" (Nga la shem, nga la shem). U shim ia kata ka pansngiat ksiar bad pynngam ha kawei ka dabor kaba shlei bha miar da ka um, u thew ia kata kaba hap ne shlei shabar na ka jingdiang. U buh pat sa ka ksiar nylla kaba khia katjuh, bad u thew ia kaba hoit shabar. U nujor ia ka jingbuu ka um kaba tuid noh shabar. U shem ba ka um kaba mih tam kam long kajuh. U pyrshang sa da ka rupa tylli bad kiwei pat kiba katjuh ka jingkhia, u sa march leit iathuh ia u syiem ba ia ka pansngiat ksiar la shu thok bad ba la tuh bad buh duna ia ka ksiar.

Na ka bynta ka jingbha bad jingmyntoi ki nongrep u la pynshna kawei ka kor. U la pynshna ki khir kiba heh ba la pyndait ha ki tyndong um. Da kaba khyrwait ia u khir, ka um ka kiewartet na ki tyndong. Da kane ka rukom ia ka um napoh duriaw la kynshait shalor rvingkew ban ai um ia ki lyngkha.

Hamar ba u dang duriap ia kawei ka jing-kheif hapoh kamra, wan rung kruk u shipai ki nongshun. U Archimedes u la kaweh ka ku, bad u ong artad, "Ap shuwa, nga la jan dep, sa leh ia nga katba phi mon." Hynrei uta u shipai u la sei lur ia ka waitlam bad u la khrai ia ka khieh jong u hangta ha shen. Ia kata ka dur ba u dro ha madan la phlei bad lyngkien sak da ka snam. Bad haduh mynta, ka pyrthei ka shu sah ha ka lyngngoh ba ka sahnud khlem da tip aiu u dang duriap kumta ban ai jingstad ia ka pyrthei ka long kaba pangmet ban iohsngew ba, kat ma u, u shu shah pyniap ei kumta, la kum ia ka masi ka blang.

**JINGKYLLI**—(a) *Da kumno u Archimedes u lah ban pynpluh ia ki lieng iapom, na jingai tang da ki tit knup?*

(b) *Kumno u tip ba la tuh bad shna duna ia ka ksiar na ka pansngiat ba phah that?*

(k) *Da kumno u pynkiew arted ia ka um ban iatap ia ki nongrep?*

(d) *Pyni ba u klet wat ia ka jingiap haba u pynleit jingmut ha la ka kam.*

---

## LYNNONG XVIII

## U GARIBALDI U NONGPYLLAIT

Kumba shispah snem mynshuwa ia ka Italy la pyniabynta hagdeng bun ngut bad bun jait ki nongsynshar—kum u Syiem ka Naples, u Syiem ka Piedmonth u Patsha ka Austria bad u Pope. Ki bapli ki briew jong ka Italy ki la ju shah lehbein ha ki bun rukom ha kine ki nongsynshar lehmon, bad shibun na ki, ki shu shah lyngngeit ia lade ha la ka nusib jot da ka jingbymbanse. Hynrei la katta ruh ki don katto katne ngut na ki kiba don ka jingangnud kaba kham khraw bad ki bymhun satia ban sha sah ha ka jinglongmraw kaba kum kata. Ki la ju tip bad shah hikai ha kito ki briew kiba la ju pynkhib ia ka jingialeh pyrshah ia ka Sorkar jong ka Ri Frence (France Revolution). Ki la ju iohngew ruh ia ki jingpyrta shnong —“Ka jinglailuid, ka jingiaryngkat bad ka jingialong shipara”, bad ki la ia angnud haduh katta ban iohleh ia kine ha ka ri la jong.

Uwei na kine ki khlawait jong ka jinglailuid dei u Joseph Garibaldi. La kha ia u ha ka shnong Nice ha ka snem 1807. U kpa jong u u la long u nongfiah jhad ha ka duriaw Mediterranean. U Joseph ynda u la sdang san u la ju leit bud ryngkat bad la u kpa bad kine ki la ia shang kylleng ka duriaw Mediterranean. Ban im ka jingim ha duriaw ka long kaba eh bad ba ma shibun. Dei ban iakynduh

bad shibun ki jingeh bad ki jingma jong ka duriaw hi bad dei ban iakhleh milai lang bad ki jaitbynriew ba pher ba pher. Ha kane ka rukom; u Joseph u la ioh shibun ka jingnang bad ka jingshlur ban trei ki jingtrei kiba eh kano katno bad ban tur pyrshah ia ki jingma ba bun jait jong ka durlaw. Ha ki kynja Hotel ne kynja die sha ha ki kadlieng u la ju ia kynduh bad shibun ki briew kiba la shah pynryngkang par na Italy, namar ka jingialeh jong ki ban jop bad ban ioh ka jinglailuid na ka bynta la ka ri. Kine ki la ju ialap ha une u samla shibun shaphang la ki ri, bad ki pynkhih ia ka mynsiem jong u da ka jingangnad jong ki ban ioh jingpynlailuid ia ka. Kane ka jingangnad ka la rhem hapoh ka mynsiem jong u kum ka ding haduh ba u la kylla long uwei na ka lok ba shaniah eh jong ki. Kine ki briew la ki long shlur katta, kim shym la long satia kiba stad ne kiba sian. Ki la pynkhih ka jingialeh pyrshah ia ka Sorkar Italy khlem da ioh shuwa ka jingiarap ne jingkyrshan jong kito kiba la kwah ban iarap, kumta ka jingpyrshang jong ki ka la shu pulom ei. Ki nongialam ki la shu iaphet iap ne shah pyniap ei. Napdeng kito kiba la laif im, uwei u dei u Garibaldi, uba la ioh ka kabu ban phet sha South America bad bangta u la trei ka kam khalf kumba u la ju trei mynshuwa, u da iaiaid na kawei ka kadlieng sha kawei pat.

Kumba khadsaw snem ne, u Garibaldi u la jngai na la ka ri. Um shum la im pynsywa



ei ia kine ki snem. Ha ka jingshisha ki long  
 kum ki snem ka jingpynkbreh na ka bynta ka  
 kam jong u kaba un sa leh. Ka don kawei  
 na ki hima rit jong ka South America kaba  
 la ialeh ban lait na ka jingbanbeifi jong kawei  
 pat ka hima ba marjan bad ba kham heh.  
 Kane ka la long ka kabu kaba biang eh kaba  
 iadei bad ka jinganguud u Garibaldi. U la  
 iasoh bad ka liang kaba kham tlot bor; u la  
 trei shitom shibun na ka bynta jong ka. Ka  
 la don ka jingialeh kaba jur bad slem haduh  
 katta katta teng teng ba duriaw, teng teng ha  
 ryngkew bad teng teng pat ha ki jaka madan  
 tieh ahor ne ki bir. Hamar kane ka por, u  
 Garibaldi u la shongkurim ia kawei ka 'thei  
 sonda kaba la long ka 'riewkhlawait kum ma  
 u hi. La iathuh hana shisien hadien ka jing-  
 ialeh kaba jur la iohkem ia ka da ki nong-  
 shun u tnga jong ka. Ynda haba la thikna  
 bha ba u tnga jong ka um shym don hapdeng  
 kaba kaba la shah pyniap ka la kut jingmut  
 triang ban thaw lad ban lait ban ioh iasoh  
 biang la ka jingialeh ryngkat bad la u tnga.  
 Hamar ba ki nongap ia ka ki dang pynjahthait  
 ban pynaram ia lade shipor, ka la kynrup  
 thrait ia u kulai uba khlaiifi bha bad ka la  
 pynmarch bak bak ban mih na kata ka jaka  
 shong shipat. Kumba saw sngi ka la shong  
 da u kulai, lyngba ki pynthor madan bad  
 lyngba ki khlaw ki btap kiba rben, ka la jngi  
 ia ki wah kiba heh bad ka la kiew ia ki lynti  
 khap lum kiba khim. Ha kaba khatduh ka la  
 poi bad iakynduh lang bad ki lok la jong lem

bad la u tuga. Ka jingshanjah jong ka ia la u tnga ka la long borabor ia u ka jingphyl-liew mynsiem, bad ka jingkohnguh jong ka jingpynshlur.

Katba u Garibaldi u dang don ha south America, shibun kiei kiei kiba khraw bad ba donnam ki la jia ha Italy. Ka jingsngewthuh shaphang ka jinglailuid bad ka jingsynshar paidbah ka la nang phriang bad ioh jaka ban bshuh ia lade ha kiba bun; bad ki paidbah ki la kham ioh ka jaka bad ka hok na ka Sorkar; ki nongsynshar bad ki Syiem ki la kham duna ka leh traikhieh bad lehmon Kiei kiei baroh ki la kham bha shibun, bad namar kane ka daw, kita kiba kwah bad wad lad ban pynduh bad pynkylloa ia ka Sorkar ba kata ka por, ki la nud ban ioh bor ban leh kham shlur. Ha kane kajuh ka por ka nam u Garibaldi ka la phriang bad ka iaid ha shuwa jong u. Baroh ki nong-Italy ki la sngew ba dei tang ma u uba lah ban ialam ia ki sha ka jingjop bad ka jinglailuid ba shisha. Kumta ha u bnai April jong ka snem 1848 u Garibaldi u la leit kiew ryngkew biang ha Italy.

Kumta shipor, um shym la lah ban leh shibun kaba dei kynmaw shisha; u la thaw plan, pynban um shym la lah ban pyntrei kam ia ki. Hynrei ha ka spem 1849, ia kawei ka hima kaba synshar da u Pope la pynbna Republic ia ka, kata ka mut, ka hima ba synshar da u paidbah bad u Garibaldi u la tur sha

khmat ban tyrwa ia lade kum u shipai hapoh u President Mazzini, u nongsynshar ba thymmai. U shipai uba bha kum une, ka long ka jingdonkam kaba dawa jur eh, namar ka hima paidbah ha dang thymmai ka dang don shibun ki nongshun. Dang shen hadien kane, kane ka hima thymmai ka la dei ban ialeh bad ka kynhun shipai jong ka hima Naples bad France; bad hapdeng baroh ki buit bad ki bor ba u President Mazzini bad u Garibaldi ki la lah ban leh, ka kynhun shipai jong ki ka la shah jop. U Garibaldi um man treh pyndem satia ialade, u dang ialeh ban khun dukhi hi khaht. U la lum ka dorbar paidbah ha kawei ka jaka madan kaba heh ha Rome bad u la kren hapdeng jong ki ia kine ki ktien, "*Ka Nusib kaba la shet kylla ia ngi hynne ka sngi kan sa rkhie ia ngi lashai. Ngan mih mynta shabar na ka shnong Rome; kita kiba dang kwah pynneh ia ka thma, to kin bud ia nga Nga tyrwa ym ka tulop, lymne ka jakashong jakasah, lymne ka bam lymne ka dii; nga tyrwa ka jingthagan, ka jingsliang, ka jing-ialeh shaphrang ki jingeh bad ka jingiap Uta uba leit ia la ka ri da ka dohnud jong u bad ym tang da ka rymmiang shyntur, to un bud ia nga*" Kumta saw hajar ngut ki briew ki la mih ban iabud ia u Garibaldi, bad lem bad ki la leit ruh ka tnga ba shlor bad ba kohpguh jong u Lyngba ki jingeh bad jingma, da kaba duh shibun ki briew lyngba ki jingpang bad ka jingphaidien, kat kiba dang sah ha kaba khatduh, ki la lah ban poi shaduh ka jaka ba lait mynsiem. Ha lynti, ka tnga jong u kaba pli ka la ioh kem

pang. Ki jingeh ki la ban jur than ia ka sha ba palat bad ka la iap noh hapoh kawel ka lingtrep jong uwei u nongtong dohkha ha kaba ki iawad jakarich. Ki nongshun kiba beh nadien ki la ian katta katta, um shym la lah satia ban ap haduh ban da lah tep ia ka metiap jong ka, la dei ban pbet bak sha khmat ban iehnob ha uta u nongtong dohkha bapli ban leh ia kane ka kam

Kumta, katto katne por, u Garibaldi um shym la lah shuh ban leh ei ei ruh. U la leit phai biang sha ka jingim ba duraw shaduh China bad Cape Horn. La tyrwa penshon ia u hynrei u la kyntait ia ka, kumba u la kyntait ia ki jingai buskit bad burom baroh. U la kut jingmut ba ym don mano mano ruh uba lah ban ioh daw ban ong ia u ba u la lah shakri ia la ka ri na ka bynta ka jingmyntoi lade.

Ha kata ka por, u syiem jong ka Piedmont ia la pynpaw ia lade kum u nongsynshar uba la shai bad kylluid mynsiem. U la ai bad shah ia la ki briew ban thaw la ka riti synshar ia la ka ri (Constitution), um shah pyndem shuh ia lade hapoh u Patsha ka Austria, bad u la thrang eh ban ioh ia ka jinglailtuid kum u paidbah hi. U syiem ka Naples pat, na kawel ka liang, u la nangleh pathar bad bymbok shuh shuh haduh ba ki briew ki la iakwah ban lait noh na u bad iasoh bad ka Piedmont. Ha kata ka por, u Garibaldi u la shu im jar jar khlem don ba tip ha ka dewlynnong Caprera, ha kaba u la thied ia kawel ka jaka rep (Farm) ban rep da ka tyngka

kaba u para jong u u la ich ia u. Hadien kane sa shisien pat la khot biang fa u sha ka jingialeh na ka bynta ka jinglailuid

Hadien ki jingkylla kiba bun. na kawei sha kawei pat u Garibaldi lem bad shihajar ngut ki shipai u la leit hiarthma ia ka dewlynnong Sicily na duriaw. Hapdeng ki jingeh bad ki diengpynkiang kiba bun, ma u lem bad la ki briew ki la iakiew ryngkew bad ki la jop ia u Syiem ka Naples. Nangta u la king pat sha ka dewlynnong, bad nangta ka kynhuu shipai jong u ka la bun haduh arphew hajar ngut. Ha ka jaka ba un hap ialeh ka jingialeh kaba jur, ynda u la kiew ryngkew, la shah pynban ia u ban shu rung kumto kum u nongjop. Ki kynhuu shipai Neapolitan ki la dem da ki hajar; baroh ki paidbah ha Nongbah ruh u la iasih ban pdiang sngewbha ia u Garibaldi, ki da jaria sa bad kynhoi ia u kum u nongpyllait jong ki. Hadien kane, ban leh ia ka mon u paidbah, ia ka Sicily bad ka Naples la pyniasohnoh sha Piedmont bad ki la long baroh hapoh ka jingeynshar u Syiem Victor Emmanuel I.

U Garibaldi u la im kat ban biang ban iohi ba ka Italy ka la iasoh kawei ka hima hapoh u Emmanuel. Kane ka la long ka jingthew bad ka thong ba khatduh eh jong ka jingmut jingpyrkhat bad ka jingialeh jong u baroh. U Trevelyan u nongthoh history, u la thoh shaphang jong u kumne. "Baroh ka jingiohi paw kaba ba kawei ka sngi, un lah ban leh na ka bynta ka Italy.

ka la paw nyngkong eh ha ki khmat ka jingmut  
 jong u palat kumta arphewsan snem mynshuwa,  
 katba u dang iaid lyngba ia ki madan bir  
 jong ka Pampas ha kaba u ialam ia ki khyndiat  
 ngut ki nongrep ban ialeh ialeh iaieh iaieh  
 ha ki thma bym lah kynmaw shuh Ka jing-  
 iohipaw ka la jan, khnang ba kan ioh jah  
 biang, kum ka maia (mirage) ha ki kynroh jong  
 ka shnong Rom. Ka jingshai byrngut byrngut  
 bad ka jingsheptieng ia ka jingshabjop, ka la ai  
 ia u ban shah ia ki jingshitom jong ki pungktieh  
 ahor jong ka Ravena bad ki jingma bad jingmyn-  
 saw jong ka duriaw Pacific ba sha jngai bah'.

Lymne ki briew ia kiba u la shakri bad  
 ialeh na ka bynta jong ki ki la lah ban klet  
 ia la u nongpyllait. Hanganho hangno bad shano  
 shano ba u la leit, ka don tang ka jingpdiang  
 sngewbha ba dap da ka jinghun bad jing-  
 sngewnguh suda. Ki kynthei ki la shu iajaw  
 ummat haba ki iohi ia u ba u iaid ba ki jing-  
 riam bapher bad ba pawnam jong u—ka sop  
 tipoh basaw bad ka soptilor ba bthuh. U la don  
 artylli ki jinglong bakhrav eh—u la long  
 ka jingiwbih jong ka jinglong sngur, bad  
 ka jinglong len lade kaba shisha. Ka jing-  
 long ieit ri jong u ka long kaba khuid sngur  
 bad kaba klet ialade; khlem da don kano ka-  
 no ka jingiakhleh jaktung bad kiwei pat,  
 bad kaba dei eh ban long ka nuksa ia ngi  
 baroh.

---

## LYNNONG XIX

## KHYNNAH TIPSNGI.

1. Ba ngin ithuh khynnah tipsngi  
     Khynnah ba donburom,  
     Ki don ki dak ba ngin iohi,  
     Ba iai kren briew jénom.  
     Ka dur jong ki ka phuh phyrnai,  
     Wat jaiñ ba jot ki phong,  
     Rynieng jong ki ka shat jingshai,  
     Pyrthei ba ker sawdong.
  
2. Ban kren ka ktien kin da pyikhat,  
     Ba ioh kiwei kin mong,  
     Shibun b'la kren, kular ki bat,  
     Burom ban ri kyndong.  
     Kim ju kren kai ne kren danda,  
     Ne kren ka 'tien shu thaw,  
     Long briew ban tei, ki tip thikna,  
     Ba dei da jingshisha.  
  
     Ban kren ki ktien kim ju tyngkai,  
     Kim ju mynthi ne sngap,  
     Da ktien badonakor ki phai,  
     Ba thiang kum ka umngap  
     Tang shikyntien kata la biang,  
     Ba phin phah kam ia ki,  
     Beit beit khlem phai kamon kadiang,  
     Ka tiar kane ha kti.
  
4. Ban iaïd nakhmat jongno jongno,  
     Ne pynleh kam kiwei  
     Ne pdiang ei ei nano nano,  
     Kim pep ban ong "Khublei"

Ki iaid ki leng, ki kam ki trei,  
 Da jingsngewrit kynthop,  
 Akor jong ki ka saifi pyrtnei,  
 Jingim ban long jingjop.


5. Nadub shuwa pyrtnei kan phong,  
 Jaiakup rongkslar ka step,  
 Ia ki ym dei ba phin da ong,  
 Kamram ba phin pyndep.  
 Ki trei shitom bad minot te,  
 Da jingangnud ban kiew,  
 Khyrdop ka Nam ban ioh ban plie,  
 Jingim ka ram ban siew.

6. Kim ju pyrkhathang ia lade,  
 Bad biang ka met marwei,  
 Dohnud jong ki ka kwah ruh de,  
 Ban im namar kiwei.  
 Da ka akor ki iaid pyrtnei.  
 Ki kiew ka Sngi u Bnai,  
 Ia jingtipbriew bad jingtipblei,  
 Jingim jong ki ka rwan.
-



## LYNNONG XX

U AESOP (tumba 370 S. K )



Hyndai hyndai, ha kawei ka nongbah, ha ka jylla Phrygia, kaba ha Asia Minor, arngut ki unraw ki la don khun shynrang ia uba ki jer kyrteng u Aesop. Uta u khyunnah u la long uba sniewbriew eh, bad katba u la nangsang u la nangisih ka dur jong u. Ha kito ki sngi ki mraw bad ki khun ki kti jong ki, ki la ju long ki mar jong ki kynrad jong ki. Té la jia haba u Aesop u la sdang samla, u kynrad jong u. u la die noh ia u ha uwei u pong Athens uba kyrteng u Karasios.

Ka Athens, ha kito ki por nalar ba ka long ka nongbah kaba khraw jong ka hima Greece, ka la long ruh ka jaka pdeng ka jingstad ba paw-nam jong ki Grik hyndai. Ka jingdon u Aesop ha kata ka nongbah ka la ailad ia u ba un nang bha ia ka ktien Grik. U lu ju sngewbha ban leit sngap ia ki ktien jali-jaum ki nonghikai ba bun jait bad ia ki jingiasaidnia para riewstad shaphang ka jingstad philosophy.

Na kano re-kano ka daw, u kynrad u Aesop um shym da hun eh ban ri ia u, kumta u la die noh ia u ha uwei u briew uba na ka dewlynnong Samos uba kyrteng u Ksanthos. Ka jingstad ba u la noh na ka mariang Athens ka la bud ia U Aesop sha Samos ; bad wat la u la long tang u mraw briew, tang ha ki katto katne por, u la paw bynriew kum uwei hapdeng ki nonghikai bad ki 'riewstad kata ka jaka, kat haduh ba ki briew ki la iabeh bad ki khyannah ki la iaboi sha u ban iohsngew ia ki khana stad ba sngewthamula na sla hynrei kiba jylliew jingmut.

Uwei u riewstad jong ka dewlynnong Samos uba kyrteng u Tadmon, u la iohsngew ia u Aesop bad u la iohi shrsyndon bad u long uba kordor eh ia la ki parabriew. U la leit pan thied noh ia u na u Ksanthos, bad da kaba eh u la ioh ban leh kumta. Tang shu ioh thied mar kumta u la pyllait noh syndon ia u na ka jinglong-mraw. Ngi lah ban pyllait haduh katno u Aesop u la shadkmeti haba u la foh ia ka bok ka jinglong traishnong kum kiwei kiwei ki 'riew lait luid ba donburom jong ka ri.

Ynda u Aesop u la ioh ka jinglailuid, haba u la ioh ban leit kat shaba ti mon, ka nam jong u khala khala ka la ber kylleng ka dewlynnong Samos, bad ym tang katta la bna shaphang jong u haduh ba kut ka hima Greece. Ka kyrteng jong u ka la don mynta hapdeng ki nonghikai bad ki riewstad ba pawnam tam jong ka ri.

La don ha kita ki sngi uwei u syiem jong ka hima Lydia uba kyrteng u Kroesos, uba kaba u la bna shaphang ka nam bad ka jingstad u Aesop u la kwah ban iohi ia u da la ki khmat bad ioh-sngew da la ki jong ki shkor. U syiem u la phah briew ban leit wad bad ban wan ialam ia u sha ling syiem. U syiem u la sngewieit lypa ia u Aesop naduh shuwa ban iohi ia u. Kumta u tang shu poi ; u syiem um pyllait shuh artad ia u. U la ai kam ia u ha lingsyiem bad u la pyn-donkam ia u ha ki kam syiem haduh ka sngi ka jingiap jong u. Baroh shilynter, u Aesop u la leh hok ia ka kam ha ki bynta baroh katba u syiem u donkam ia u.

Ha ka jingtreikam hapoh u syiem, u Aesop u la iohlad ban shang kylleng ia ka ri Greece. Shisico, haba u la poi ha ka nongbah Athens, u iohsngew ba ki traishnong kato ka jaka ki la ia ud sat namar ka jingsynsbar leh thombor u Syiem Pisistrators. U Aesop u la pyrshang ban pynrem nia ia ki da kaba u la lathukkhana ha ki shaphang ki jakold kiba la leit pansyiem na u blei Jupiter. Nangta pat, haba u la ioh-sngew ia ka jingud ki briew namar ba nem

kordit bad lanot sat ha kane ka pyrrhei, u la ju lathuh ia ki da kane ka jingiathuhkhana. "Haba u longshuwa manshuwa, uba ki Grik ki ju khot ia u Prometheus, u la thaw ia u briew na ka dewbyrtha, u la pynman dur da kaba pynum ia ka ym da ka um, hynrei da la ki ummat".

U Aesop u la trei hok ia la ka kam haduh katta katta ba u la loh lut ia ka jingshaniah u syiem nadong shadong. U syiem u la phah ia u sha ka nongbah Delphi ban leit rah jingkhia ia u blei Apollo bad ryngkat bad kata u la phah rah shibun ka ksiar ban ai sngewbha ia iwei-pa-wei i nongshong shnong kata ka nongbah. Ynda u la poi hangto kum u 'newstad uba shisha, u la sngewthuh bad ithuh lu ia kaba shisha bad ka bym shisha ha ka jinglong ki briew kata ka jaka, bad khamtam, kito ki nongkren-blei ba donnam jong ka Delphi. Kum u 'newstad bad u nonghikai ba bha am shym la lah ban set la ka shyatur, U la lathuh ha ki shibun ki jingiathuhkhana ba lyngkot kaba don ki jingmut ba jylliew ka bym shym la pynsngewbha satia ia ki.

Nga lah ban pyrkhat ba kane harum ka long kawei napdeng kita ki jingiathuhkhana :—

"Shisien ha kawei ka por. uwei u lumbah u la kyrhuh ym tipbriew shuh, la kumba sukhun ban kha aiu-re-aiu uba heh, uba phylla bad ba ishyrkhei. Ki briew baroh kawei ka shnong ki la mih ban ia khmih aiu yu mih na uta u

**lumbah. Ynda haba ki la ap-shi-ap la slem bah  
ha kaba khatduh shu mih da u khnai bluit".**

U Aesop um shym i iapdor ban shaniah ia ki lyngdoh ban aiti ha ki ia ka jingkhia ba phah u Syiem. Um shym la iapdor ruh ban iasam ia kata ka ksiar ha ki briew kata ka shnong kumba la bthah ia u ban leh. U la phah kylla noh ia ki baroh sha u syiem.

Kitei ki jingleh u Aesop ki la pyningkhong khait ia ki briew kata ka nongbah. Ki la ialum ban iadorbar shaphang kane ka kam. Ki la iathaw buit ban pynmih jingmudui pyrshah ia u. La mih ki nongmudui kiba la at daw ba u la kren sang bad leh sang ia ka niam jong ki. U bishar pynrem ia u da ka Dorbar, bad la ialam ia u sha khlleh kawci ka riat bad la pynnoh khongpong ia u nanra.

Kanto katne sngi hadien ka jingiap u Aesop, la wan je ki jingiapkhlam kaba jur ha la nongbah Delph, ba la rong noh sha jingthang da ki hajar ki brew. Haba la kylla na ki nongkrenblei shaphong ka daw jong kata ka jingiapkhlam, la iathel ba dei namar ba la pyarem bymdei ia u nongiakhukhana uba khraw.

U Aesop u la iap da kaba shah lehbeiū namar ba u la kren ia kaba shisha, kaba hok bad kaba dei. La u iap tyrut hangta hapoh riat, pynban ka nam bad ka kyrteag jong u ka im haduh kane ka sngi.

*Ym dei ka burom bad ka spah  
Hynrei ka hok bad ka jingshisha  
Kaba tam ha ka pyrthei.*

## LYNNONG XXI

## U KHLA BAD KI MASI KYRTONG



Saw tylli ki masi kyrtong, kiba ialok bha shibun, ki ju iadon ryngkat borabor bad ki ju ia-bam phlang ruh ryngkat. Te la don uwei u khla uba syntiat ia ki la bunsien, bad u pyrshang ban wad buit kumno un ioh bam doh ia ki. U tip ba u lah ch ban jop ia ki haba ialeh paramarwei; hynrei ban pyrshang haba ki ia don lang baroh saw tylli, u sheptieng. Kumta u shu ap Hynrei la u la ap katno katno ruh, u iohi ba um lah katba ki dang ialok Kumta u la leh sianti, u pynkynroi ia ka jingbishni bad ka jingiakhlad lok hapdeng jong ki. Bad da kane ka buit u la lah. Namar, kite ki masi ki la iasdang ban khmih matdong para masi, hadien kata ki la kyl-la iashun, bad ha kaba khatduh ki la iakhlad lok noh. Mynta ka la jem ia u khla Bad u la kynrup ia ki baroh saw tylli ha la ka jong ka jong, bad u la bam doh ia ki.

**KA JINGSNENG**—*Ka hima kaba ialah mar-  
kynti paralok kam lah neh. Ah, katno sien ba ki lok  
ki la ia jot neh namar ki la sngap ia ki jingkrengiar  
jang ki briew.*

---

## LYNNONG XXII

### KA JINGJAIPDEH

1. Sha jngai, sha jngai, ma pha, Jaipdeh,  
Na pha ngen kiar rafmaw raidieng ;  
Ban ialang lok bad pha ngam treh  
Ban jan sha pha ngan nai nga tleng.
2. Ban pynsalia bad pynbyrngia,  
Da ktien jali-jaum pha khroh ;  
Ban 'lam ia nga sha jingalhia,  
Ba jingsaja khlem pep ngan ioh.
3. Nangta suki ban ieng ka thok,  
Ba 'tien shukor da 'tien shu thaw :  
Ban rhah bishni ka mar ki lok  
Ban shu lehklap khlem hok khlemdaw.
4. Kumta ter ter sha 'tuh ngan ngop,  
Khlem kheifi ka tleng, ka sang, ka ma.  
Ynda hadien jingsniew kan jop,  
Ka jinglong briew kan sa sakma.
5. Iano iano pham tieng pham rieji,  
Bad rit bad khraw, bad lieh bad iong,  
Lada ha pha kin tang shu bieji,  
Jai jai kan suk ba kin leit khrong.

6. Hajar hajar sha pha ki beh,  
Kim ju phohsniew ia ka jingjot;  
Hynrei suki ia ki phan teh,  
Ha kynjri nar, ha jinglanot.
7. Khie noh Jaipdeh, ia pha ngam kwah,  
Khie noh ko Ksuid ba shyrkhei tam ;  
Na pha ngan phet san lum san wah,  
Junom ia pha ngan thung tasam.
8. Ki thieb ngan kiew, ki jur ngan hiar,  
Shaphrang ban tur nga kwah hir hir ;  
Nga thrang nga sliang ban poi sha kliar,  
Ki kti ki kjat ki sting thir thir.
9. Da bor baroh ngan ieng ialeh,  
Jingeh jingwit ngan iuh ngan thom,  
Shatei sha shuwa ngan iabeh,  
Ba ngan nang kiew sha ka burom.

## LYNNONG XXIII

### KI AIN KA JINGKOIT JINGKHAH

#### BYNTA I

Shuwa ban iathuh ei ei shaphang ka jing-  
koit jingkhiah bad ka rukom ban iada ia la-  
de na ki kynja jingpang baroh, nga kwah  
ban buh ha khmat jong phi katto katne ki  
jingpyrkhat.



Kaba nyngkong—"Ai ba ngin kular ban pynkohnguh ha ki rukom kiba donburom ia ki jingai jong u Blei ia ngi."

Kaba ar—"Ngi dei ban kynmaw ba ngim lah ban pdiang tang katto katne na ki jingai jong U Blei, bad ban ym pdiang ia kiwei pat da kaba pynlehnohei noh ia ki."

Kaba lai—"Ka jabieng jong ngi ka dei ban long kaba klor ban pdiang ia ki rukom kiba thymmai bad kiba khambha ban pyndonkam ia ki jingai jong U Blei, bad ban phai noh na ki rukom kiba rim bad kaba sniew".

Ngan pyrshang ban batai lyngkot ia kitei ki mat lai tylli :—

U Blei U la ai ha ngi ka Ri Ki Khadar Dolo, bad Laphew Syem ban long ka kper jong ng da kaba ngi lah ban noh kyrha ia ti jingbam jingdhi, bad naoh ia U Blei da kaba rep ia ka,

Ka ri ha la long kawei na ki jingai ba kongsan tem U Blei, hynrei ngim shym nang ban pyndonbarom ia kata ka jingai. Ngi pyn-duh noh ia ki khlaw ha ki lum ban thung phan, ka khyndew ka long kaba lyngkhuid ym don ei ei ban da ia ke. Ka por slap ka wan, bad ka um ka kit noh ia ka khyndew kaba bha arsut : ki briew sha ri dkhar kim donkam ia ka sbohi ban pynbha ia ki lyngkha jong ki namar ba ki wahbah ki ai sboh ia ka khyndew da ka khleiñ jong ka khyndew kaba bha kaba wan tuid na Ri Khasi.

Hynrei haba ki wahbah ki sdang ban iaid suki suki, ka khyndew kaba la kit da ka um, ka fiar noh bad ki pynwit ia ka jingiaid jong ka wah. Namar ba ka um kam lah ban iaid beit bad iaid ha ka lynti kaba dei kumta ka pynjot ia ki shuong bad ka pynshitom ia ki briew, ka pynduh ia ki ling ki sem, bad ki briew ki duh jingkyrmen namar ba kim don jingbam ban ai ia la kl khun ki ksiew.

Ym dei tang ki briew ha kjat Ri Khasi kiba shah shitom, hynrei wat haduh ka nongbah Calcutta bad ka Bay of Bengal u shyiap uba la kit noh na Ri Khasi bad na kiwei pat ki jaka, u pynwit ia ki lynti jong ki liengbah. Kumta bun ki liengbah ki paitlieng na kane ka daw.

Lada phi nang pynjot ia kiba shong ha ri dkhar kumne, phi khmih lynti ba U Blei Un nang kyrkhu ia phi? Lada ka rukom kaba phi pynshonkam mynta ban rep ia la ka ri ka pynduh noh ia ka spah jong ka, phi tharai ba phi la pdiang da kaba burom ia kane ka jingai jong u.

Ha kajuh ka rukom U Blei U la ai ia ka met jong ngi ban long kaba nang, kaba khlaid bad kaba khuid.

Da ka met jong ngi del ban iarah ia U Blei. Kumno ngin leh ia kata ka kam kaba donburom lada ka met jong ngi ka long kaba tlot bad swar kaba la shah shitom bad kaba la pynjot da ki

kynja jingpang baroh? Kawei na kita ki jing-  
kikhlich kiba kongsan tam dei ban nang ban  
sumar ia ka met, bad ban hikai ruh kutno ban  
da ia ki jingpang.

Nga la thoh khnang kumne ban pyni ia ka  
rukomp rep, ka jingda ia la ka met na ki jing-  
pang bad ban long kiba kloi ban hikai ia ka  
rukomp ban im kyrbai; ba ki dei ym tang ia ka  
jingmyntoi jong ngi, hynrei ba ki dei ki jingkit-  
khlich kiba ngi dei ban kit kum ka jaitbynriew.

Lada ngim pyrshang ban kylla ia ki rukomp  
im jong baroh khoit, ngi dang im ha jinglanot  
khop, bad ngin ym lah ban pdiang ia ka jingkyr-  
khu jong U Blei da kaba burom eh ia u.

---

## KI AIN KA JINGKOIT JINGKHIAH.

### BYNTA II

Kiba kham shait kham nang ki dei ban long  
ki briew kiba pynmlien ban leh khuld ha ka ru-  
kom im jong ki.

Kan shim por bad bor ban da ialade na ki  
kynja jait jingpang, hynrei wat ai ba ngin ym  
pyrshang ban jop, da kaba sugewtieng ban  
pyntyntang khyndiat na ia ka por bad ka bor  
sha kane ka kam. Ngi dei ban kynmaw ruh ba  
kan shim por ban khmih ia ki jingmih bad ngim  
dei ba duh jingkyrmen asmar ia ka imat ba  
ngim myntoi mynta kumne.

Ngi ju pyniapher hapdeng ki kynja jait jingpang jingshitom kumne :—

(a) *Congenital*—Kiba lah ban don haba dang kha, ki jingduna ha ka met (*mal-formations*), bad kiwei.

(b) Kiba mih na ki jingmynsaw.

(k) Ki kynja ba thung (*cancer*)

(d) Kiba mih na ka jingtret ki khōiang kum ka jingpang shadem; *Pneumonia* ka jingpang-swai ; ka jingpang suhot, ka jingpang ūiang-lyngkut bad kiwei kiwei.

(e) Kiba mih na ka jingduna ha ka bam ka dih jong ngi : kum ka jingduna snam, ka jingpangjem (*beri-beri*). Lehe ki kynja maw ha ka pla umpynjhieh, ka jingot ha ka ryadong (*goitre*). Namar ba kine ki jingduna ki pynle ia ka met ki pynlong ia ka ka bym donbo: ba nalah pyrshah ia kiwei pot ki kynja jingpang. Namar kum kane ka jingtlot bun bun ki buew ki iap na ka jingpang bym dei ba kin iap.

(g) Kiba mih na ka jingduna bad ki jingba kla ha ka rukom im jong ngi

Ki lai tyll ki dkhōt kiba khaddub ki dei ki jingpang na kiba ngi lah ban da ialade. Ban kreñ lyngkot ban batai ia ki kumne :—

I Kiba mih na kaba jakhlia.

II Kiba mih na ka jingduna ka jingbam.

Ki khñiang ki im ha kaba jakhha, bad don bun jait na ki. Ki long kiei kiei kiba rit ba ria bad kiba rit than eh ba ngim lah ban iohi da ka khmat khlem da pyndonkam ia ki kynja lit (*microscope*). Wat lada kine ki khñiang ki rit than eh, ka don ka bor kaba shyrkhei bad pynshitom bad pyniap ia ki briew, bad ha kajuh ka por ki briew pat ki lah ban pyniap ia kine ki khñiang, ban da ia lade na ki, lada kin koknguh ia ki aih ka jingkoit jingkhiah.

Kawei na kine ki jingpang kiba mih na ki kam jong ki khñiang ka dei ka jingsuhot. Nga kwah ban iathuh lyngkot shaphang kane bad ban pynmih kiwei kiwei ki jingthoh ia kiba nga kwah ban batai haden habud pat.

Ki khñiang jong kane ka jingpaug ki im hapoh ki smier bad ki mih bad ka jingleit khyndew. Ban pynshitom ia u briew ki dei ban rung ha ka met jong u lyngba la shynter. Kumta phin sugewthuh ba haba u briew u Suhot, ka mut ba ka bam ka dih jong u ka la ehleh kumno re-kumno bad ka jingleit khyndew jong uwei pat u briew uba la pang suhot. Ym don kawei pat ka lad ka lynti lait tang da kane, ba kine ki khñiang ki ioh rung shapoh u briew.

Kumno kane ka lah ban long? Da kaba bam da ki kti bym khuid ki bym shym thet bha shuwa ban bam. Kane ka long kawei ka lad. Ban dih um ia kaba la pynjakhha da ka jingleit khyndew, kane ka long kawei pat ka

lad. Hyndrei don kawei pat ka lad ka lynt  
 kaba kongsan tam bad hata ka long ka kam  
 ki skai. Kine ki skai ki her ki phet kylleng,  
 ynda haba ki la lah dem da ki kjat jong ki  
 ha ka jingleit khyndew, ki pynmih ka prie kaba  
 dap da kine ki khniang jingpang suda. Ki  
 her bad ki jaldai bad ki dem halor ka bam  
 ka dih ki briew. Namarkata wat la ki briew ki  
 pynhuid bha ia la ki pliang bad ia la ki kti  
 bad wat la ki sbet bha ia ki jingbam ban pyniap  
 ia ki khniang kiba lah ban don hapoh jong ki, ki  
 skai ki lah ban pynlong lebnohi ia ka kam  
 ki briew da kaba pynjakhlia pat ia ka bam ka dih.

Nga la thoh kumne ban pyni ia ka jingma  
 ha kaba ngi ju shong bad ban pynpaw ia ki jingeh  
 kiba ngi dei ban jop. Phin iohi ba bun ki jing-  
 pang ki mih namar ba la pynjakhlia ia ka bam  
 ka dih jong ngi da ki khniang kiba don ha  
 ka jingleit khyndew.



## LYNNONG XXIV

## KA KTIEN KHASI

*Ki Adverb.*

Am ryngaiñ :—kaba dait sah khlem pyllait shuh

Am sia :—kaba dait ne bam ruma

Bam bhut bhut :—Kaba bam kloï

Bam kyrtai :—kaba bam than bad slem.

Khmiñ dhong :—khmiñ kyadit bad lyngngoh.

Khmiñ dungong :—kaba ap ban ioh ei ei da kaba  
sumar bha.

Khmiñ lieb :—Kaba shu khmiñ tang khyndiat eh.

Khmiñ liw :—kaba khmiñ sagewsih bad lebraiñ.

Khmiñ matdong :—kaba phai tang da ka dong  
ka khmat

Khmiñ pyllew :—ka jingkhmiñ ki khmat kaba  
heh kum u khla.

Khmiñ sian :—khmiñ bitar bad khmiñ thap  
(peep)

Kylloa kram :—(Ka rukom sawa na jrong, kum  
ka kynroh, ka dieng.

Kynther bak jingbak :—leh donbor bad shi-  
syndon.

Kynthih phur :—kumba kynthih ka um, ka iapra  
ruh artad.

Hap phuk jingphuk :—hap tyngch bad ba la  
mong ne pait.

Hap jreiñ jreiñ :—kumba hap u slap.

**Hap sbak** :—kumba lympat ha tbian.

**Her talain** :—sawdong sawdong kum ka sim ne kot kudi.

**Her thik thik** :—kham suki.

**Her thur thur** :—Ka jingsawa ka jingher ki kynja ba heh.

**Iaid kynrih** :—iaid bakhraw, suki jai.

**Iwai wai** :—I pang swai.

**Iphieng nger** :—ba iohi ia kaei kaei kaba stieng, ba phieng ka khlieh.

**Leh sa leh syam** :—bym kwah iakren ne leh ei ei namar ba thut ne sngewsih.

**Leh jalani** :—leh khuid hynrei khleh sarong leh suk.

**Leh shyntum** :—leh sngewsih ne atnud.

**Mih nlangpjah rem** :—haba i ne sngew ei ei kaba sngewtr em.

**Lyko thlaw** :—kaba i iahen jar bad slem.

**Lengkien sak** :—ka jinetuid ka um ne ka sram kaba la bua eh.

**Paw krip krip** :—ka bym paw shai bad kaba khieh eh.

**Par miai** :—kaba par suki

**Par sor** :—ahlem da iohsagew.

**Pei blur ne blur** :—kaba pei shisyndon.

**Peit jyllieb** :—peit suki bad itynnad.

**Peit lew** :—kumba peit u khla.

**Pharait phew** :—kumba pashait ka um na u khiew haba theh.



Pynher thir :—kumba her ka sim shisien her.

Pyni tyngkreiñ :—pyni lut ia kiei kiei kumba ka  
long

Shong bhek :—kum haba la tyrsiang.

Shong kyllaiñ myngngor :—shong kyllaiñ kjat.

Shong kyrni :—shong hajuh.

Shong kynrong :—kaba kyrshan tang da ki slaiat

Shong lyngngeit :—da ka jingshong

Snoh phew rynjap :—bym donbor la ka jong.

Suh wia :—kumba suh ka khlieng haba ka kem  
ei ei.

Sngew kynjah jlang jlang :—kynjah eh bym ioh-  
sigew ei ei.

Sdien lyjang :—ha suiñ bym kynduh khyndew.

Sdien ldui :—kynja baheh

Sdien ldoi :—kynja barit

Synta d pl r :—kaba kham jngai se kyllon

Tipsagi lyngon lyngon :—uba tipsagi bad shida.

Tiet buk bak :—shait bad kloï.

Tdem pam :—ka jinglvnguh ka tdem kaba bun

Tdem thui :—zum kaba mih na ka suloi ne atos-  
khana.

Tuid khyrwaiñ khliir kalir :—kumba tuid ka um  
kaba snger borabor.

Tda neng ning :—tynggeh kumba tda u thliem

Tyllep phuk :—kumba tep ka um

Tyllun dongldong :—nawei hawei (kynja met rit)

Tyllun lyngkhew :—ba tyllun ki kynja met heb

Ur slait :—shisyndon khlem lah kyrshan

## LYNNONG XXV

## KA KTIEN KHASI

*Ki Adverb (shuh) bad Adjective*

At lbing :—kum ka jingat top.

At lyngkding :—ka kham thew ia ka kpoh

At mlong :—kaba shu at na kano kano ka bynta  
ka met

Bha kyrhai :—bha jansi

Bha phngar :—bha, hynrei kham palat ia kaba ju  
long

Bha bicij :—shu bha ha ka bym dei ban bha.

Bha kai :—kaba shu bha shiphang

Bha kynjuif :—ka bha ka jingjrong

Bang ngai :—kaba bang eh

Biej tasam :—uba bicij eh

Kthang ngong :—kum ka kwlnain

Kthang jlang :—kum ban kyllut, kaba kthang eh

Khriat riaw riaw :—kumba suhjer

Khriat sam sam :—kumba daitthah ka um

Khraw lyngkding :—khraw hynrei kham heh ka  
kpoh

Daitthah siw siw :—kum ka jaiif ba khriat.

Eh pnen, daw :—kum ka met iap

Heh lymbher :—heh hynrei heh jem

Long ktuk :—long ljaethia

Long ngaiñ :—kum ka jingiong u pring

Long kñw kñw :—u briew uba long eh

Long synñia :—kumba long ka mjet

Long pali :—kaba long ryntih bha

Long umreit :—iong hynrei i um, itynnad.

Jrong lphung :—kum u skong, kaba wandur

Jrong lter :—jrong hynrei kaba khlem dpr

Jrong khwajñ :—kum u dieng uba beit bad uba  
itynnad

Jrong kynthai :—kum u shññh uba jrong

Jrong rsung :—kum u dieng uba don, tnat naduh  
tyorai haduh khlich

Jrong kneng :—ei ei kaba jrong khlem dur

Jngut tiw :—kum ka umsaw

Jwat teng teng :—kum ka jif

Jwat ting ting :—kum u ksai

Jew slam :—kum u sohmyndong

Jew sew :—kaba jew jiangmut

Lieh shaid :—ei ei kum u thah ne phria

Lieh phalang :—jinglich kaba pynthaba

Lieh khleiñ :—kum u briew uba lieh isynnad ka  
snihdoh

Lieh pher pher :—kum ka shun

Lyngkot ldaiñ :—lyngkot palat

Lyngkot supduk :—lyngkot bad iaheh

Lyngkot sapdok :—lyngkot bad rit

Lyngkot sukhmung :—bym nep

Lyngkot lmoj :—lyngkot eh kumba khrat

Lyangkuid plean plean :—bym don ka jingpynwit  
khyndiat ruh em

Lkhal mot mot ne blot blot :—kaci kaci ka bym  
jwat

Nep her her :—ka tiar heh

Nep har har :—ka tiar kaba rit.

Nep shler :—kaba nep tang ka khmut kum u sum

Nep shlr shlr :—kum u lum uba heh hynrei ha-  
lor ym don ka jaka shong.

Ni jin jin :—kum ka jingtrei dieng lane ialu kaba  
la bha ch.

Ni jin :—kum u kba ba lwet bha.

Noh lan :—haba la kham noh katto katne.

Pynkad ryntheng :—ba la duna na kaba la biang  
(napdeng)

Rwat wut :—la duna na kaba biang (napdeng)

Rben then :—kum ka snieh ne jaiu.

Rit ryngknan :—rit hynrei jrong.

Rit bin bin :—ci ei kynja ba pyllun kum u phan  
bad kiwei kiwei.

Rit ryngkoid :—rit hynrei kham dor.

Rhem rhui :—kum ka ding kaba rhem.

Rben thau :—haba Rben ka doh, bym iohsngew-  
shuh.

Saw hain, sian :—kum ka snam.

Saw hem :—kum ka bapet saw.

Saw syngiang :—kum u 'tlew jalyngksiar.

Stem mer mer :—kumba stem, ka kalar.

Stem kmir kmir :—kum u shynral.

Stem bleit bleit :—kum ka doh uba pang khrew.

Stang knir knir :—kum ka kot sadu kaba stang eh.

Stang niap niap :—kum ka jala kaba stang.

## LYNNONG XXVI

### KA KTIEN KHLASI

*Ki ktien ba lajan. Jingmut (Synonyms.)*

*Hap, ur, kyllon.*

*Hap* najrong, *ur* ha tbian haba laid, *kyllon* ha tbian na ba shong ne ba leng. *Ki ur* tang kiba im, kum ki brielw bad ki mrad ; kino kino ki lah ban kyllon la ki im ne iap. *Phi ur* na ba jynthut, *phi kyllon* na ba ym don bog.

*Syntuid, btuit, tyrsiang, pat*

*Syntuid* na sharing ; *btuit* ha ktieh ne ha u sohpaillen ; *tyrsiang* ha u phlang ne ki sla iap ; *pat* da lyndang na ba tyrsiang.

*Loit, law, weng.*

*Loit*, ia kaba la sohsat ne syrdoh ; *law* ia kaba la loit, ia u sai juti ba phin dup law. *Phi weng* haba pynkynriah ia kaba wit kum ia ka jingtap na u khiew.

Shoh, dat, pduh, tangon, khyrwit, kir phalup,  
Sympat, kawait, kawang, thap.

*Shoh* la ha kano kano ka rukom ; *dat* ha ba  
shoh tang khyndiat ; *pduh* da u dieng kat na ba  
dei ; *tangon* da u dieng na khlich ; *khyrwit* na  
ka met da u dieng trait ; *kir* na ka met da ka  
kti kham ; *phalup* kat na ba dei da u dieng uba  
heb ; *sympat* naer naei da ki jingteh ne thri :  
*kawait* da kaba rit tang kat ban btiar ; *kawang*  
da u dieng da pyngkhang ; *thab* da ka sla kti

*Lympat*, *lynggeit*, *lynthaw*.

*Lympat*, la hangno hangno ; *lynggeit* ha ka  
khyndew ; *lynthaw* ia ki mar paît ha u 'maw'  
ban lwet thiaw

*Pashat*, *shat*, *kawang*, *pda*.

*Pashat* jem bad' hajan ; *shat* beit bad kham  
jingai katba lah ; *kawang* da u 'maw' bad *pda* na  
jingkhangit.

*Kit*, *bah*, *rah*, *tyriong*

*Kit* ha ka khlich da u star ; *bah* ha ka tyr-  
peng ; *rah* ha ki kti ; *tyriong* ha ba kit halor ka  
khlich.

*Rat*, *phut*, *thiew*.

*Phi rat* ia kaba ch ; *phi phut* ia kaba jem ;  
*phi thiew* ia ki thut ki Mer.

Kdang, ngiah

Ngi kdang haba la dap ; ngi ngiah haba  
ngim sngewbha shuh.

Suda, thylli.

Suda haba ym don ei ei ; thylli haba la lut  
noh kaba la don.

Bicij, anna.

Bicij haba ym don buit satia ; u anna haba  
u shu duna buit.

Bastad, banang, batip, bashemphang,

U briew uba stad u don buit shibun ; u briew  
uba nang haba u tbit eh ha kano kano kawci ka  
kam ; batip haba shu lum jngtip ; bashemphang  
haba shem klof ia ka buit.

Shop, siat.

Shop shajngai, siat hajan

Wiang, thang, pluh, ing.

Wiang bad thang kaba da leh khnang ; pluh  
bad ang kaba da jia hi wiang la kaba ktoi ban  
mah ; thang ia kaba slen han mah pluh ka ling  
shajngang shait ; ing shu thian. Ki briew bad ki  
mrad ki lah ban ing, bynrei kim lah han shait,  
ti pluh tang ki dieng, ki ling bad kiwei kiwei.

**Iing, sem.**

*Iing* naphang khamtam ban shong briew ;  
*sem* la ki.mrad. Ka *iing* ka kham kor ban la  
 ka *sem*.

**Rykhlang, ryngad.**

*Rykhlang* la kiel kiel ; *ryngad* tang la ka um.

**Kli, khyllap.**

*Kli*, ba shu lum khlem pyngkhoh ; *khyllap*  
 ba da pyngkhoh.

**Ring, kynjut.**

*Ring*, ba leh lynter bad suki ; *kynjut* ba  
 leh kynsan.

**Phi, pra.**

*Phi* *tiad* la haba na jrong ; *phi* *pra* haba  
 pynphret.

**Tep, thep.**

*Ngi* *tep* haba ban najrong ; *ngi* *thep* haba  
 shu buh hapoh. *Ngi* *tep* hapoh khyndew, *ngi*  
*thep* ha ka synduk.

**Shut, slar, kria.**

*Shut* la na *slar* ha u *zaw* bad haba leh  
 syngoh ; *slar* da u *zaw* la na *slar* inlan inlan  
 ba pynbekt ; *kria* tang la na syrti pynbekt (ka  
 inlan Wary).



Sliang, thrang, threw,

Ia ka *sliang* ka jur ka *thrang*. Haba *sliang* dang bit, haba *thrang* ym bit thui. Ngi *threw* haba twah eh ia ka jingbam ei ef.

Sait, sum, theh, bta, sleh, smaia.

Ngi *sait* ia ka jakhla ka bym don jingim ;  
ngi *sum* ia kiba don jingim ; ngi *theh* ia ki kti ;  
ngi *bta* ia ka khmat ; ngi *sleh* ia ka khlich ; ngi  
*smaia* ia ka shyntur.

Lit, pai,

*Lit* haduh ban da hep ; *pai* tha pyntud ne  
pyrit.

Tar, kad, thar.

*Tar* da ka tiar, *kad* da ka kti, *thar* haba  
ngam shapoh. Namar ba la *thar* u shish, ia *ba*  
ka jai.

Khet, khrai, malt khyllad, ngor.

*Khet* haba pyntyllon ia ka metbah ; *khrai*  
pom lyngkhot ia kata ; *malt* ia ki dieng rit. *ngor*  
liut ki hie ; *khyllad* ia ki tnad ne ei si kha  
pyntwit ; *ngor* ia ka khar.

Dai, shai.

*Dai* haba shu pom pyndut da pyngkang ;  
*shai* kumjuh tang ba ka don ruh ka jingmut ban  
pyntylkhot ia kaba jrong, pyrit.

Thlich, phiah, pharia.

*Thlich* ariang ia kaba kham heh da pynieng; *ngi phiah* ia kata pat ban pynrit; *ngi pharia* ban pynrit bin ia kita pat. Baroh ki long da pynieng.

Pom, ot, phot.

*Pom* ba jur; *ot* kaba kham khyndiat; *phot* teng khyndiat eh; *ngi pom* da ka uar ba heh; *ngi phot* daei daei ruh; *ngi ot* da ki tiar kiba rit.

Siah, khud, khrud.

*Siah* ia ka snep; *khud* ban ilih; *khurd* ban pynkhud. Baroh *ngi trei* da ki tiar. Ia ka *khud* ka jur ka khurd.

Shtah, soi.

*Shtah* da ka wait da pynieng; *soi* da pyng-kiang.

Khoh, pied

*Khoh* ia kaba najrong kum ia ka snep; *pied* ia kaba ia ang lypa. Ia baroh ar *ngi leh* da ki tri *had* *ngi pied* da pynieng. *ngi khoh* *pied* ia ki barit kum da ki tyrsim.

Samai, kyrni, syat.

*U* bricw *u Samai* ha la duma; *u kyrni* ha la kynd ne kaci kaci kaba soiew; *u syat* ha ka iakhalai ne kiel kiel kiba thala.

Wich, pdeu,

*Wich* pynngam jrup, ban jhieh; *pdeu* buh stem ban jem ne pyut.

Phrung, phngian, tynfian.

*Phrung* ia kaba jem ban rung; *phngian* haba pynrung da kaba kham eh; *tynfian* haba ban arsut ba kan leit ei ei.

Sab, baut.

Haba rut dang lah ban paw; haba *huan* la ngop baroh.

Sher, sieh, thung.

*Sher* haba lyngngeit ha ka khyndow; *sieh* ha u dieng ha ka thliw ba la sher ban shu neh; *thung* ban skhem.

Pop, shitom, jynjar, khuslai, kordit.

Ia kine ki ktien la pyndonkam khleh shibun hyndrei ka jingmut jong ki ka imat long kuanne:— ka *pop* ha ka jingmut. *Kristan* ka long ka jing. *spiew* ha kham U. *Blei*, *hyaret* ha ka jingmut. *Khasi* ka long ka shitom kaba wan naei *haet* ka shitom ha ka met; ka *jynjar* ha ka jingmut; ka *khuslai* ha ka dohnud; *kordit* ha ka *nyasiem*.

Fuson, pykhat, khan, mut, qunap.

*Ngi* *puta* hapoh la ka dohnud; *ngi* *pykhat* haba ka paw habar; *ngi* *khan* haba khmih baiab

la kaba la pyrkhat ; ngi mut kaba ngim tip, ngim thikna, ngi artatien. Ka mut ka kham jut ban la ka tharai ; duriao (ka ktien okhar) ka lajan bad 'pyrkhat' tang ba ka kham bolah.

Tam, khar, khat.

Phi tam ia kaba klar ; phi klar ia kaba kynrei, phi klar naphang bad ia kaba la lum.

Kyrhai, byllai, byrhai, byrhien, byllien.

Kyrhai ka jingbun bad ka jingpahuti ; byllai ka jingbun khlem shong ryatih ; kyrhai ka jingbun ba dap, byrhien bun shisién laid ; byllien shibun kiba arted ki don, kiba arsut ki don kiba shong kito, kiba laid kito.

Ai, am, awlam.

Ai ka bun tnad ; phi ai ha u nongpan hane ha uno uno ; am ba ai ha u nongpan ; wallam ia kaci kaci kaba pajih.

Poi, wan.

Ngì poi ha ka jaka kapa thikna ; Bad la ngi don hangno hangno hiba ngi dang laid. Ka jingmut ia ka ktien was kù kham lar ban ia ka jong ka poi.

Shun, bishni, pibhni, riah.

Phi shun ia u briew, haba, spgewsih ia u na kano kano kù daw ; phi bishni ha bym suk ka jingmut ia ka jingbha u briew ; phi pibhni pat.

haba la paw kata ka jingmut ha ka ktien  
ne ha ka kam ; ~~shak~~ haba leit leh than ia ka  
jong kiwei.

Sbak, kram, pding, khru.

*Sbak* ha tbian da lymphat ; *kram* na jrong  
(ka rukom sawa) ; *pding* hap kaba hch ha madro  
(ka rukom sawa) ; *khru* da pyllup bad haba  
tyngruh lyngra.

~~Tyngkhub~~, ~~pakhub~~, sangoh, tur.

Ngi ~~tyngkhub~~ haba kynduh pyrshah ha kaci  
kaci kaba halor : ~~pekhut~~ pynlakynduh kumno  
kumno bad kaci kaci kaba hajan ; *sangoh* da ka-  
ba lakynriah na jngal : tur ki masi,

iw, sma, iwtung, iwkhang, iwrieng.

Ngi ~~iw~~ ia kaba hajan, ngi *sma* ia kaba jngat ;  
~~iw~~ ia kaba lam sngewbha, ngi *sma* ia kaba  
sngewsih ; ngi *sma* ia ka ban sngewthuh, ngi *iw* ia  
kaba thikna. Kaba sdang ban pyut ka *iwrieng* ;  
kaba la kham pyut ; *iwtung* ; kino kino ki jingiw  
kiba pynsngewsih nalar kaba iwtung, ka long  
kaba *iwkhang*.

Sloit—haba hap ne mih noh kum ka tari ne  
wait na ka sping jong ka.

Sliah—kaba pynhap ne weng noh da ka bor  
e.g. haba la sliah ia ka iktiar wat u syicm  
ruh u kylla riew madan.

Bloit—mih kynsan i kynja barit Bloit na ka  
song ne kano kano ka sop

Bluit—ka thew ia ka jingmih kynsan jong kaci  
kaci ka kynja bahch.

Tong, pih, phylliew.

Ngi tong naba rah da ki kynja harit; ngi  
pih da u khiew uba heh ha ka pynngam hapoh  
um khlem tong; ngi phylliew haba theh ha  
uwe pat u khiew ia ka um ba la tong.

Iakajia, iania, iamai, iatim.

Iakajia haba don ka jingkulmar ei ei;  
iania haba iakren da ka nia hynrei la iashit;  
iamai haba pyndonkam ki ktien sniew bad bein  
iatim ka kham jur ban ia ka iamai, kumne.  
Na kaba iania ki kylla iantai, na kaba iamai, ki  
kylla iatim.

---

# KA JINGRWAI LA KA RI

(JANA GANA MANA)

*Ka jingmut jong ka JINGRWAI LA KA RI  
ha ka ktien Khasi ka long kumne :—*

1. Me long U Nongsynshar ia ki jingmut ki briew baroh, Me U Nongsam Bynta ia ka iap ka im ka ri India ! Ka kyrtong jong Me ka kyrsiew ia ki mynsiem ki briew ba shong ha Punjab, ha Sind, ha Gujrat bad ha Maharestra ; ia ki Drabidian, ki Orya bad ki Bengalee, ka sawa ha ki lum Vindhya bad Himalaya, ka iakynud lang ha ki sur ki Wah Ganges bad Jamuna, bad la tem da ki jingstphyllung, ka Duriew Bah India. Ki iaduwei ban ioh ia ki jingkyrkhu jong Me bad ki iarwai ka jingiaroh ia Me. Ka jingpynim ia ki briew baroh ka long ha ki kti jong Me, Ah, Me U Nongsam Bynta ia ka iap ka im ka Ri India ! Ka Jingjop, Ka Jingjop, Ka Jingjop, to long ia Me !
2. Bad angi bad miet ka jingsawa jong Me ka her na kawei ka ri sha kawei pat, ka khot ia ki Hindu, ki Budhist, ki Sikh, ki Jain, ki Parsee, ki Muselman bad ki Khristan sawdong ka khet jong Me. Ka Mihngi bad ka Sepagi ki iasoh lang ha ka jiangmano ia Me, bad kumala suh lang ia u Kpieng ka jingioit. Me wallom ia ki dohnud ki briew baroh sha ka jingiatyhi kawei ka jingim, Ah, Me U Nongsam Bynta ia ka iap ka im ka Ri India ! Ka Jingjop, Ka Jingjop, Ka Jingjop, to long ia Me !

## JONO GONO MONO.

{ d . r . m . n . m . m . m . m . m . r . m . f . m . m . m }  
 { gone gone mone e-dhi - na - ye - ho je - ye - ho Bha - re - to }

{ m . r . r . t . r . d . — : d . m . m . s . — s . . . }  
 { bhagye bi - dha - ta. Pon - ja - bo, Sia - dhu, Gujra . }

{ s . s . f . l . s . f . f . f . f . f . r . f . m . — : — m . m }  
 { Maratha, Dra - bi - do Ut - ho - lo, Ben - go, Bindhye. }

{ . m . m . m . m . s . s . s . f . f . f . m . m . m . r . r . f . f . t . t . f }  
 { Hima - chele, Je - muna Gonga, Ue - che - le, je - lo - dhi te - ya. }

{ m . — : — m . m . m . m . m . m . r . m . f . — : — m . f . s . s }  
 { go. Te - be subhe name ja - go, Te - be subhe }

{ m . f . m . r . f . m . — : — m . m . m . m . r . r . t . r . d . — : — }  
 { a - shishe ma - go, Gabe to - be je - ye ga - tha. }

{ s . s . s . s . s . s . f . s . s . s . f . l . s . f . f . f . m . m }  
 { Jone, gone mone - le dayeje je - ye ho Bha - re - to bhagye }

{ . m . r . f . m . — m . t . t . m . — : — : t . l . m . — }  
 { Maha ta, Jayo ho, Jayo ho, }

{ s . s . s . — : — m . d . r . r . m . m . r . m . f . — : — s . m }  
 { jayo ho, Je - ye jaya, je - ye, jayo ho. }

{ m . d . d . d . m . d . t . d . m . r . r . r . r . r . m . m . m }  
 { O - ho - so ho to - be ah - bhane prachin - to Su - ni to to }



u-da-ro-ha . mi, Hindu, Bouddho, Sikkho, Jai-no,

( 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 8

( 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 )  
 + pucchimo a . so                      Tebe simha-so-no pa . so

{ | a : a . a | — . a : r | t . a : d | — : — | a . s : a . s | a : s . s | a }  
 { Frome ha- ro ho-ye gan-tha Je-ne gone ekye bith -a }

{ :s :s | k :s | :s | f :f | s :s | s :s | f :s | - || :t :t | M : - }  
 { jo-ho-jo-ho ho bhare-to bhagyo bha-ha-to } Joye ho,

{ :o .l |t :- | - m .a |l :- | - : : d .d :r .r |a .a :r .a |t :- | - t - t }  
 { Jeye ho, Jeye ho, Jeye, jeye, jeye, jeye ho }





**Khasi Jaintia Presbyterian Press Shillong**  
**5,000 Copies. 2000**